

歸綏識畧 第三冊

目次

卷廿二 人部 駐蹕

一

卷廿三 巡幸

一七

卷廿四 官制

一九

卷廿五 兵防

三一

卷廿六 宦績

三六

卷廿七 賢材

五六

卷廿八 使臣

六四

卷廿九 島客

六七



歸綏識畧卷廿二

山西代州崞縣 張魯恭輯

人部

駐驛

大清天聰六年 明崇禎七年 六月我

太宗文皇帝親征察哈尔駐驛歸化城降土默特部泉懸勅諭城

北格根汗廟中禁勿侵毀

附魏源

國朝綏服蒙古記 源字默深一字莘生胡南鄆陽人道光甲辰進士官高郵州知州於

國朝掌故海內利病錄如指掌著聖武記及海國圖志尤為有用之書一時為之紙貴詩人有古微

鈔堂

蒙古諸游牧國之大名也十七行省及東三省地為中國自中

國而西回部而南衛藏而東朝鮮而北鄂羅斯其民亦皆土著
之人其國亦皆城郭之國若乃不郭郭不宮室不播殖穹帳寄
而水草逐者惟瀚海南北部及準部青海諸部則然故史傳外
夷皆以居國行國為大界畫若漢匈奴賢王有左右一居東方
以接濊貊一居西方以接氐羌而單于庭直代雲中擾之則還
於漠北至後漢為南單于北單于再變為柔胡西三變為柔然為東
西奚四變為東突厥西突厥五變為內回統外回統上下數千
年離合絕續皆以大漠為諸部之綱維於是乎左於是乎右於
是乎南於是乎朔其攝入版圖列為郡縣者惟唐初蕩平突厥
之地置定襄雲中等郡領於單于瀚海二都護一時稱極盛而
控御不久遼金置上京中京西京諸道僅域於東西奚而未及
河朔惟元起沙漠北奄有函夏於漠南置大宥上郡興和大同

等路於漢北置和林行中書省以至西域青海皆分建諸王駙
馬為古今戎索之一變明之中葉元裔由漢北入漢南於是邊
防復棘且其根柯盤固支條蔓衍為今蒙古各部汗王環處大
漢故

高宗言三代以後惟元太祖裔至今不絕云按其部落大分有四
曰漢南內蒙古曰漢北外蒙古曰漢西厄魯特蒙古曰青海蒙古
四部中漢南內蒙古接壤滿洲臣復最先至康熙初而漢北喀
爾喀三部內款及親征準噶爾而青海諸部來庭於是三大部
蒙古皆混為一家惟漢西厄魯特特其荒遠抗衡狂妄至
至乾隆中始夷其疆域定其部落為漢南漢北二部大半由元
太祖成吉思汗至今世淵

帝室其西海則元之旁支西域則元之臣僕至今惟通朝貢與稱

外威甥舅者殊科因而區之以昭戎索

內扎薩克蒙古六盟東四盟當盛京黑龍江及直隸邊外西
二盟當山西陝西甘肅邊外并歸化城土默特則二十有五
東拉吉林黑龍江界西至賀蘭山南界長城北距瀚海絡雍
垂幽并營互州北境袤數千里明初悉攘諸漠北中葉復荐
食漠南邊患遂與明代相終始我

朝龍興首

臣

科尔沁繼平掃漠

即察哈尔

於是諸部先後來庭有大

征伐率師以從世其封爵時其朝貢凡二十五部為五十有

一旗其制畧與在京內八旗凡蒙古等其朝覲分為三班其

會盟則若科尔沁若郭爾羅斯若杜爾伯特若扎賚特四部

為一盟其盟所曰哲里穆其貢道由山海關若扎魯特若喀

爾哈右翼若奈曼若敖漢若翁牛特若阿魯科尔沁若巴林

若克什克騰八部為一盟其盟所曰名烏達其貢道由喜峯口

奈曼即元史所謂乃密元太祖既平乃密以封其子故後人因以名部蓋先得漠北後得漠南 若土默特若喀

喇沁二部為一盟其盟所曰卓索圖其貢道亦由喜峯口若烏

珠穆沁若浩齊特若阿巴哈納爾若阿巴噶若蘇尼特五部為

一盟其盟所曰錫林郭爾其貢道由獨石口以上為東四盟蒙

古若四子部落若喀爾喀右翼若民明安若烏拉特四部為一

盟其盟所曰烏蘭察布其貢道由張家口又鄂爾多斯二部七

旗牧河套內自為一盟其盟所曰伊克昭其貢道由殺虎口今

以上為西二盟蒙古每三載盟會之期

欽命大臣齎勅以往設正副盟長各一以簡軍實閱邊防理訟獄

審下冊惟歸化城土默特向隸將軍都統今為副都統及各廳同知外

廳為通判不設扎薩克初設后裁見故會盟集於本城不設盟長聽

簡命大臣莅視其各部每旗事權皆掌於扎薩克一人此外皆散秩其親王郡王貝勒貝子鎮國輔國公台吉等或以功晉封或以世襲無定員初元太祖起和林削平西北諸國建王駙馬等世守之為今內外扎薩克蒙古所自出而仲弟哈薩爾以射圍季弟勒格圖以勇圍佐命功尤大今之阿巴噶阿巴哈納二部皆勒格圖後也兩科爾沁及扎賚特杜爾伯特郭爾羅斯四部落茂明安

青海和碩特九部皆哈薩爾後也又有太祖十五世孫達延車臣汗者建庭和林文裔繁布於漠南北若奈曼巴林敖漢蘇尼特烏珠漢沁鄂尔多斯克什克騰喀爾喀左右翼九部皆其後也翁牛特則太祖弟諤楚因之後扎魯特及土默特右旗則太祖十八世孫之後惟喀喇沁及古默特左翼為太祖功臣濟

拉瑪之後余皆元子孫皆以棟漢部為大宗其歸

本朝也俱以林丹漢不道之故今不悉述之其尤著者

太宗文皇帝天聰九年得傳國璽於元小王子元順後脫之裔棟

漢部按明永樂中兀剌馬哈木攻殺元主本雅失里遣使上言欲獻故元傳國璽後仍不至者即此於是蒙古

四十九貝勒及土默特兩旗合上尊号改元崇德是為我

大清受命之始前此

太祖天命中臣服諸國除瀋陽遼陽得自明外余若黑龍江五部

長白山二部東海三部扈倫國四部凡河東河西之地使大使

鹿之邦明人所稱為南國北國者皆金代部屬語言相同城郭之

國非蒙古行國也其時已與科爾沁盟好而與棟漢梅魯棟漢

部者元之嫡裔太宗也初順帝北歸和林連易五主始去國号

稱韃靼可汗皆在洪武之世永樂初本雅失里可汗為阿魯台

所立宣德中脫々不花可汗為瓦剌酋長脫歡所立景泰中也
先篡之不久部下仍立脫々不花子号小王子自是世以小王
子称正德中小王子尤強并青海及烏斯藏控弦十余萬嘉靖
中稍厭兵徙慕遼東邊外称土蠻而諸部落苗西北邊其時邊
防皆急河套青海及俺答封西陲莫於是東部土蠻小王子裔
數入寇邊患又中於薊遼故明世邊寇曰河套部河東部河西
部西則今青海蒙古東則今內扎薩克蒙古套則今阿拉善及鄂
尔多斯蒙古也至西厄魯特別瓦剌王脫觀也先之裔明中葉
後罕入寇而此部喀尔喀蒙古隔於大漠終明世不見於史云

萬曆中

大清兵起明人思用東部掉漢小王子欲以敵

大清而要挾歲賞終無成效末年林丹汗土馬強盛橫行漠南有

宋康武乙之暴天命四年來聘書稱統領四十萬衆蒙古國主
巴圖魯青吉斯漢致書水兵三萬衆滿洲國主且肆其虜劫憑
陵諸部諸部先後毆歸我

朝請師援救天聰八年六月

太宗統大軍盡徵各部蒙古兵征察哈爾時遼河夏漲晝夜冒濼
出其不意逾內興安嶺千三百里至其庭林丹漢謀拒戰而所

部解体遂徙其人畜十餘萬衆由歸化城渡河西奔沿途離散

十之七八林丹漢走死於青海之大草灘我大軍至歸化城收

其部落數萬而還明年其子鄂哲率所部奉傳國至來降封親
王位冠四十九貝勒之上其衆編旂安置義州額哲卒其弟龍
爵傳至布爾尼當康熙十四年吳三桂之變徵其兵不至旋煽奈

曼等部擁衆同叛



詔以多羅信郡王鄂扎為撫遠大將軍以大學士圖海副之率不
 附逆各部蒙古兵進討四月師次岐尔哈台偵賊屯於達祿我
 軍留輜重以輕騎進布尔尼設伏山谷間列陣以待我軍先敗
 其伏兵進擊其大隊敗之布尔尼收潰卒戰復連敗以三千騎
 遁為科尔沁兵射死凡六月平定其故地置牧廠隸內務府
 太僕寺而移其部家游牧於宣化大同邊外其八旗東西二翼
 其旗內官地及與漢民互市訟獄治以四廳及獨石口張家口
 豐鎮寧遠各廳其本旗事務轄以都統等官而總隸於理藩院
 典屬司此八旗在蒙古四十九旗外官不得世襲事不得自尊
 與各扎薩克君國子民者不同其故地棄延千余里在獨石口
 張家口邊外又歸化城土默特者明順義王俺答之後也為察
 哈尔所滅我

太宗親征察哈尔駐蹕歸化城降其部衆編為二旗以其部長為
左右翼都統分還其世所守順義王印而遣將軍貝勒岳託副
都統吳巴海駐其城鎮守之土默特酋博碩克圖之子使喀爾
喀陰與明通吳巴海邀斬其使崇德元年喀木尼漢部葉雷等
叛投漠北吳巴海率兵討之數旬無所見漠中射一雁負矢飛
而墜往取之見賊人遺火逐躡及於溫多嶺葉雷注矢引滿將
拒戰有狼起於前觸葉雷弓墜遂為我擒始收其義順王印乾
隆中并裁都統其旂務則掌之將軍副都統惟存輔國公世爵
一不理事並設同知通判理旂兵賦訟與京師內八旗蒙古相
等而與揀漢小殊故新疆各省駐防有察哈尔蒙古兵無土默
特蒙古兵

科爾沁部在喜峰口外從龍佐命世為揀附與

國休感

孝端文皇后

孝莊文皇后

孝惠章皇后皆科爾沁女自天命至乾隆初額駙尚主者八有大

征伐輟屬橐前驅勞在王室非直親懿而已

科爾沁部廢此向較遠記內事蹟亦

以此無涉因不全錄

鄂尔多斯部在河套中東西北三面皆距河東西袤二千里南

北廣八九百里首尾或五六百里三四百里秦蒙恬所奪匈奴

河南地以陰山為塞而漢唐之朔方郡也前代城堡邊牆故蹟

棋布而花馬二池鹽與河東鹽並行地宜馬駝有麥梁山鉄可

為兵河柳可為箭赫連元昊屢為霸國形勝可戰可守元太祖

十六世孫巴爾蘇始居之為鄂尔多斯濟農有九子分牧而處

是為今鄂尔多斯七扎薩克之祖明末苦林丹汗之虐糾合喀喇沁阿巴噶諸部敗察哈尔兵四萬於土默特之趙城天聰九年大軍追林丹漢子額哲於黃河西未至鄂尔多斯先邀與盟攘其部衆西獻千戶於我

朝順治初隨英親王剿流賊於陝西康熙中會剿叛賊王輔臣皆
有功三十五年

上親征噶尔丹諸扎薩克渡河朝

御營獻馬諸請設驛饋運出兵扈蹕

上嘉其俗罷土沃牲牧獵嫺周覽形勢謂扎薩克等曰明人議河套畏尔蒙古如榻側卧虎亦其時無人耳若今日大軍且逾陰山賀蘭山出尔背後其奈我何諸扎薩克稽首曰今天下一家上奈何出此驚人語也奉六旗至乾隆中滋息增一旗設扎薩克

七自為一盟此下未全錄記凡三篇此篇記內六盟蒙古其與此間無涉者皆節去之

康熙三十五年十一月十二日

聖祖仁皇帝親征厄魯特噶爾丹師次歸化城駐蹕崇福寺留繚龍金坐褥一金靠背一金繡枕二於行宮留寶弓一張大箭五枝小箭五枝甲冑一付虎皮坐一張豹皮坐二張於佛樓上永鎮山門十二月初七日回鑾駐蹕九龍灣初八日入殺虎口見行志與魏氏記月

日不同記中駐蹕凡三次

附魏源

聖祖親征準噶爾記

厄魯特亦蒙古也元之亡蒙古分為三大部漢南蒙古漠北喀爾喀

古皆成吉思汗之裔元太祖國人稱之曰成吉思汗惟居西域成或作飲或作青皆音之轉也

者非元太祖後出脫歡太師及也先瓦剌可汗之裔是謂厄魯

特四衛拉蒙古

衛拉即瓦剌之轉音

國初惟漢南蒙古早結和親而喀爾喀厄魯特两大部皆雄長西北間通使向入寇順治中

王師方定中原未遑遠畧於是厄魯特吞噬西北日漸強大初厄

魯特四衛拉部曰綽羅斯牧伊犁曰都尔伯特牧額爾齊斯曰

土尔扈特牧雅尔

即塔爾巴哈台

曰和碩特牧烏魯木齊和碩特固始

汗於明末襲據青海又以兵入藏滅藏巴汗而有其喀木之地

綽羅斯特則據伊犁柔骨旁部與喀爾喀隣勢俱張甚康熙中

綽羅斯特渾台吉死子僧格立僧格死子索諾木阿拉布坦立僧

格弟噶尔丹殺之自立為準噶尔汗旋取青海和碩特車臣汗

女而襲殺車臣汗

即鄂齊圖

柔有四衛拉特復南摧回部城郭諸國

盡下之威令至衛藏則又思北并喀爾喀乃自伊犁東徙帳阿

尔泰山并使杜尔伯特部象屯田且耕且牧以峙其食會喀尔喀土謝圖汗執殺扎薩克圖汗而奪其妾三部內鬪我

朝遣使偕西藏達賴之使和解三部噶尔丹使其族人多尔濟扎

布隨而覘之故使漫罵土謝圖汗以激其怒土謝圖汗果執殺

之噶尔丹遂藉詞報復揚言藉俄羅斯兵且至喀尔喀探之無

其事守備懈而噶尔丹言之不已喀尔喀益不信噶尔丹潛遣

刺麻千人游牧其地喀尔喀亦不以為意也二十七年夏噶尔

丹領勁騎三萬逾杭愛山突襲其帳游牧刺麻從之虜之士謝

圖汗倉卒潰遁其子噶尔旦台吉拒戰大敗傾國東走途遇我

使臣張鵬翮等往俄羅斯經其東部車臣汗地喀尔喀遣使乞

援即揚言大國兵來救已於是噶尔丹亦具書來使臣具檄曉

諭之噶尔丹和我軍不為喀尔喀也復踐之并擊破其鄰部右

翼車臣漢左翼扎薩克圖汗又劫其大刺麻指卜尊丹巴胡圖克圖
之帳於是土謝圖等三汗部落數十萬衆盡棄牲畜帳幙分路
東奔於九月投漢南款國乞降

聖祖命尚書阿尔尼等發歸化城獨石張家二口倉儲并賜茶布
牲畜十余萬以贍之暫借科尔沁水草地使游牧噶尔丹亦遣
使入貢

上救其率衆西歸還喀尔喀侵地噶尔丹既集有回部青海漠北
則益驕蹇不奉命踞喀尔喀王庭徵諸屬國控弦之士數十萬
二十九年以追喀尔喀為名迺銳東犯五月侵及烏尔會河尚
書阿尔尼以蒙古兵擊之而令喀尔喀奪還所掠牲畜喀尔喀貪
利爭取陣遂亂反為厄魯特所敗乘勝東趨內扎薩克蒙古地

方是時

朝廷已平三藩定巖蜀收台灣和鄂羅斯天下無事

聖祖以噶爾丹勢熾既入犯其志不在小且喀爾喀不可使無故

地游牧也六月集大臣於朝下詔親征命撫遠大將軍裕親王

福全為左翼皇子允禔副之出古北口安北大將軍恭親王常

寧為右翼出喜峰口右翼兵遇賊烏珠穆沁戰復不利收軍準

噶爾遂乘勝長驅而南深入烏爾布通距京師七百里乃止右

翼兵命康親王傑書等屯歸化城要其歸路八月朔我撫遠大

將軍遇賊於烏蘭不通噶爾丹遣使來言追喀爾喀仇人闌入

中國汎界非敢妄行請執土謝圖汗及其弟哲卜宗丹巴大喇

麻昇我即當班師翌日我軍進擊大戰於烏蘭不通賊騎數萬

陣山下依林阻水以萬駝縛足卧地背加箱梁蒙濕氈環列如

柵士卒於梁隙發矢銃備鉤距謂之馳城我師為隔河而陣以

火器為前列遙攻中堅聲震天地自晡至暮駝斃於礮頰且仆陣斷為二步騎爭先陷陣左翼兵又繞山橫擊遂破其壘賊乘夜走保高險翌日遣西藏刺麻濟隆來軍卑詞乞和奏聞

詔速進兵無墮賊計而噶爾丹不俟報即拔營由克什克騰部之什拉穆楞河載木橫渡後越大蹟山宵遁所過皆燒荒以絕追騎逾數日我師輕騎追之已不及噶爾丹中途遣使獻書頂感靈佛誓不犯邊并具疏謝罪科尔沁土謝圖親王謀霸留之而噶爾丹逸不止且盡失負馱無輜重狂奔絕漠而北沿途餓踏死亡得還科布多者僅數千人時

上偶不豫自博洛河屯回鑿諸將不及奉進止而歸化城西路兵及科尔沁蒙古兵以奉裕親王請和之令遂不復邀擊信郡王劾裕親王不乘勝追剿反檄止蘇爾達等進兵致窮寇竄逸

上以功過相兼簿其罰有言科尔沁土謝圖親王通於噶爾丹陰
縱之去者

上亦不之疑也八月班師回鑿三十一年五月噶爾丹遣使至歸
化城聲言入貢男婦接踵至者幾二千將軍費揚古遣兵迎詰
且過之

詔責還其使三十三年約噶爾丹來會盟不報而遣兵侵掠喀爾
喀益甚屢書索土謝圖汗及招卜尊丹巴大刺麻益急且害我使
臣時噶爾丹兄子策妄拉布坦為噶爾丹所迫遣使入貢故我亦遣使報之而陰遣使誘內蒙古各
部叛歸已喀爾沁土謝圖親王以聞

上以前此烏蘭不通之役賊幾可滅我師坐失機會欲復致其來一
戰覆之乃密令復書偽許內應而預調士馬芻糧以待三十四
年噶爾丹果率騎三萬入寇沿克魯倫河而下侵掠至巴顏烏

劇自秋徂冬擾之不去亦不犯漢南遣使往激之賊令使者徒
步歸且大揚言借俄羅斯烏槍兵六萬將大舉內犯蓋以前敗
由火器不如中國故陽假西洋火器以張其軍其實俄羅斯并
無意助寇且噶爾丹懲前敗亦未敢深入送死也明年春

上復馮牙親征皇太子留守京師命將軍薩布素率東三省兵出
東路過其衝大將軍費揚古振武將軍孫思克等率陝甘兵出
寧夏西路邀其歸

上親統勁旅由獨石口出中路皆赴瀚海而北約期夾攻沙磧不
宜車乃留大駝惟馱子母駝以行每駐營

上親拊士卒相水草軍行瀚海泉水溢芻生五月遂由科圖進逼
賊境而東路軍尚未至西路軍亦奏言賊盡焚草地我軍過道
秣馬糧運阻而師行七十余日士馬餒困乞

上緩軍以待途次復有傳俄羅斯助兵之信大學士伊桑阿等力請回鑿

上怒曰朕祭告天地宗廟出征不見賊而返何以對天下且大軍退則賊盡銳注西路西路軍不其殆乎遂率兵疾趨克魯倫河手繪陣圖指示方畧從行王大臣有言宜俟西路兵至而合擊者有言宜出其不意直前突擊者有言宜遣使告以駕至俟其驚擾而後乘之者

上命諸皇子議之定計遣使噶爾丹尚不信登北孟納蘭山望見御營黃幄襲纛環以幔城又外為網城軍容山立大驚拔營宵遁翌日大軍至河則北岸已無一帳克魯倫河者起率臣汗西界東北近黑龍江橫亘瀚海東北二十里乃內外蒙古之界也上初意賊必扼河拒戰故兩路出師攻其腹背及是知賊已表胆

遂命領侍衛內大臣馬思哈樓討巴顏烏蘭近地

上親率前鋒追之三日至拖諾山不及而還命內大臣明珠盡運

中路之糧以濟西師賊奔馳五晝夜中途欲拒戰於拖諾山而

衆奔不能止沿途遺老弱輜重及漿渾脫無算適我西路兵邀

之於昭莫多昭莫多者蒙古語大樹林也即明成祖破阿魯台

地在肯特嶺之南土臘河之北汗山之東平曠饒水草回望大

嶺千仞如屏為自古漠北戰場時敵軍至者僅萬然皆百戰之

賊我師飢疲馬僵其甚多徒步貴揚古等議馬力不能馳擊非

返客為主以逸待勞不可距敵三十里即止營其地有小山三

面皆距河林木茂蒼可設伏先遣前鋒兵四百且戰且却誘賊

至昭莫多費揚古率左右翼步騎先據小山陣於東餘沿土臘

河陣於西兼備林中伏賊遵

上所授方畧各兵皆下馬步戰約聞角聲始上馬將軍孫思克以

綠旂步兵居中據山頂臨之賊爭山頂峰甚銳我兵據險俯擊弩

銃迭發籐牌繼之每進輒以拒馬木列前自固趙氏紀謂以拒馬木擁於後示

必死云云按拒馬木皆列於前所以制敵騎之衝突即衛青武剛車自壞之意先為不可勝以待敵之可勝也兵入敵境不患

不致死無列於後之理賊冒矢銃鏖戰至暮不退人人如怒虎林木皆震

費揚古遙望賊陣後人馬不動必其婦女駝畜也乃魔沿河伏

騎一橫衝入陣一襲其後韜重山上軍奮呼夾擊賊始潰敗乘

夜追北三十余里天明收軍斬數千級降三千獲馬駝牛羊廬

帳器械無算并殪其可敦阿奴可敦者準部梅其汗之妃也頗

暫取戰披銅甲被弓矢騎異獸似駝非駝精銳悉隸麾下至是

亦斃於礮噶爾丹以數十騎遁捷奏至

御營命費揚古留防科圖護喀爾喀游牧地

上親撰銘勒察罕拖諾山及昭莫多之山而還次歸化城躬犒勞
西路凱旋之師輟膳大饗士獻厄魯特之俘彈箏箎歌者畢集
有老胡工箏口辯有胆氣柔能漢語

上賜之湏酒使奏技音調悲壯歌曰雪花如血撲戰袍奪取黃河
為馬槽滅我名王兮虜我使歌我欲走兮無駱駝嗚呼黃河以
北奈若何嗚呼北斗以南奈若何遂伏地謝

上大笑着書以告皇子王師之出也今五營

上居中為御營諸皇子分統左右翼每翼各二營

皇四子雍親王統左翼及班師也皇長子統後營為殿六月

駕至京師初準噶爾自破喀爾喀後戀漠北地久不歸其伊犁四
部落盡為兄子策妄阿布坦所并自阿爾泰山以西皆非已有

又連年與中國戰精銳喪亡牲畜皆盡回部青海哈薩克皆隔

絕叛去至是欲西歸伊犁則畏策妄那布坦之逼欲南投烏斯藏則道遠

不能至欲北赴鄂羅斯而鄂羅斯拒不受聞翁金河有我師余

糧運回寧夏

翁金河一作甕金河與推河拜達里克河皆相近在杭愛山之西阿爾泰山之東我西師沿儲糧餉以

待回軍者之及戰勝而師由東歸乃遣兵數千伏山谷中突出不徑四路故余糧無用焚棄而歸

掠之又為我副都統祖良壁護糧兵前後夾擊所敗欲掠喀爾

喀之出邊游牧者聞有備亦不敢犯其遣赴藏之使又為我青

海副都統所擒所屬部落從者或僅千人或數百人皆老羸自

相盜羊馬

上乘其窮蹙欲降之九月

駕再幸歸化城駐蹕阿爾多斯諭青海諸台吉與策妄那布坦協

擒噶爾丹遣使携其党與準部諸台吉絡繹來降噶爾丹盡喪羽

翼乃遣使詣鄂爾多斯旗行在探中國意詔數其犯汎界之罪

又許以待喀爾喀恩例招撫之否即進兵方噶爾丹之遣使也
授以書嘆息曰天下人果不相同中國皇帝神靈奇異聞其行
軍所至泉湧於沙草生於磧冰泮於河是天助彼也今我所屬
之人已皆往屬之是人助彼也爾往其所觀其待從大臣行止
若何歸日議之因泣下使者至瞻覲感服密輸情於我大臣
聖祖聞而憐之命理藩院自獨石口至寧夏設驛以待車駕旋京
師而噶爾丹倔強卒不至三十六年春二月

駕復渡河幸寧夏命馬思哈費揚古兩路進兵噶爾丹使子塞卜
騰巴珠徵糧哈密為回人擒獻所獵薩克呼里之地野獸已盡
左右親信數台吉亦面懟聞大兵將至先後望風款附密响導
大軍深入又策妄奴布坦擁勁兵伏阿爾泰山將擒以獻功噶
爾丹進退無地不知所為計每夕或數驚所至處頻逢怪異烈

風淫雨隨之自知人時天亡旦夕必就俘遂仰藥死時

上自寧夏循賀蘭山出邊而費揚古以噶爾丹自伏天誅奏其下

丹濟臘以其尸及子女來獻至阿尔泰山為策妄那布坦奪而

獻諸朝

子授侍衛
女嫁侍衛

所部盡降於是自阿尔泰山以東皆隸版圖

拓喀尔喀西境千余里四月

上復勒銘狼居胥之山而還朔漠平至京師御門受賀

上親撰碑銘勒石太學古帝王武功或命將或親征惟以告於廟

社未有告先師者在泮獻誠復古制自我

聖祖始曰源曰

聖祖三駕親征其出塞一由東路再由中路三由西路東路由博

洛河屯僅在盛京西界因葺夷已由越烏珠木沁而南故未度

漢出邊中路即明成祖北征所行由獨石口宣化府出邊度瀚

海

聖諭瀚海水草雜之然脈泉鑿之甚易一卒可得
二十升又有部尔草最宜馬飲之食

瀚海亦

非平地沙岡綿亘無寸土惟揅漢七老峯長二百里橫亘瀚海之中初出卡倫即逾此嶺

聖祖勒銘其上以後隨地設驛凡二十五日度大漠至克魯倫河聖祖曰吾同噶爾丹練習戎行所向無敵今不抗克魯倫河知其無能為也遂遁河窮追至拖諾山而還其地距河套二千余里是為瀚海中路又西自大同歸化城度漠北至推河亦設三十余驛

聖祖第三次由此出寧夏循賀蘭山將出塞邊聞賊伏天殛故未度大漠而費揚古西路凱旋之師實由此還故

聖祖親勞之於歸化城是為西路前代帝王出塞親征者惟明成

祖成祖三犁虜廷皆自用平輿和出入

元之上都常過春
平元之上都常過春
元之上都常過春

城皆宣 故三追阿魯台一追瓦刺皆飲馬於臚胸河一至土臘

河而還一至斡難一作斡離河而還臚胸即克魯倫河我

聖祖之所駐軍少而為土臘河即昭莫多大軍所戰地少東為斡

難河即黑龍江之源元太祖未都和林以前所居在克魯倫河

之北興安嶺之麓皆未越杭愛山而西也是明祖車轍馬跡與

李文忠邱福所軍均不過喀爾喀車臣汗土謝圖汗境內而未

西至賽音諾顏扎薩克兩部明人張皇寔有回視北斗在南之

侈矣按黑龍江北及烏果海北極出地五十度北斗尚未正及

天頂若成祖所至克魯倫河鄂爾坤河北極出地僅四十

六七度安能 我 聖祖三路出師每路不過三萬然而師已有乏糧草疲士卒之患

蓋絕漠度積自古為難而明人虛聲失實又有度漠五十萬之

侈矣至若李陵趙破奴所至之後稽山距朔方居延二千里驃

騎所封之狼居胥山距代二千里衛青所戰之冥顏山出定襄
塞千余里準其地望皆在今土臘河鄂爾坤河左右興安嶺杭
愛山之支麓特難定為何峯

以上節錄 聖祖
親征準噶爾記

謹按府志以

聖祖仁皇帝駐蹕載入巡幸一門無論我

朝神聖不當與秦漢隋並列即巡幸二字亦有未妥

聖祖當日惻生靈塗炭親征虜庭恭讀

御製碑文朕不憚寒暑三臨絕域為民請命數語夫豈前代之主

無事游觀者所可同日語哉因識駐蹕於巡幸之前并首識

太宗文皇帝綏服此間蒙古而以魏氏西記附議於後使讀者於駐蹕前

後朗如列眉非若府志於留鎮弓矢甲由月而外無他及為存

神遇化所至

謚思

聖相承善繼善述翠華莅止山川為之生色邊境從而入安往
古以來無斯盛也臣謹識

歸綏識畧卷廿三

崞縣張 曾小袁初輯

人部

巡幸

漢武帝元封元年帝至五原詔北幕未輯將巡邊陸秉武節親帥
師置十二部將軍行至雲陽北歷上郡西河至五原登單于台勒
兵斗八萬旌旗千餘里遣使告邊外以天子自將巡邊各部驚遁
乃還三年復至五原東濱海北抵碣石由遼西至五原而還見漢
書本紀

桓帝十三年帝西幸榆中東行代地至五原渡河名其地曰君子

津見水經注

詳地部古蹟門

愚按桓帝改元不一建和凡三年和平一年元嘉二年永興二

年永壽三年延熹九年永康一年無十三年之說如以始立之年
計之則當以延熹二年為十三年惟是年二月鮮卑寇雁門八
月誅梁冀似不應有北巡之舉且巡邊大事綱目何以不書俟考
隋煬帝大業三年帝出塞外突厥啓民可汗率義成公主來朝行
宮法駕御千人帳享啓民親巡雲中泝金河而東北幸啓民所
啓民捧觴上壽跪伏甚恭帝大悅賦詩啓民虜從入塞至定襄詔
令歸藩十二年帝復出巡邊突厥始畢可汗率騎數十萬謀襲乘輿
義成公主先遣使者告變帝乃馳入雁門突厥圍雁門矢及御前帝
大懼用尚書樊子蓋言募天下兵詔守令競來赴難唐太宗時為
世子年十六應募說衛將軍雲定襄興曰宜晝則引旌旗令數十
里不絕夜則鈺鼓相應彼必謂救兵至義成公主復遣使告始畢
謂北邊有急諸郡援兵亦至突厥乃解圍見隋書

詳史
雁門又唐書隋

煬帝后蕭氏梁明帝歸女煬帝初為晉王文帝為遼妃冊立性婉
順有智識好學解屬文頗知占候及煬帝即位立為皇后每從邀幸
見帝失德為述志賦以自寄江都之亂隨軍士至聊城沒於竇建
德隋宗室義成公主續嫁突厥始畢可汗為可賀敦漢言遣使迎
蕭后建德不敢留遂携其孫正道及諸女至此幕居吉定襄城唐貞
觀中破突厥頡利后歸於唐賜宅京師興道里及歿以后禮合葬
於揚州煬帝陵

按易象省方書志巡守古帝王周行天下觀風聞俗至秦
漢以后始多有事於邊防始皇三十二年巡西邊徙上郡入
爾時似未步斯地漢武帝以此幕未輯自將待邊雖好大喜
功或其勢有不容已者章帝元和三年北巡狩出長城還省

幽燕其陸通道路無從稽考惟桓帝至五原渡河君子津名

流傳千古然綱目實未之書若隋煬帝與突厥和親躬踏異
域率皇后幸義成公主帳中褻矣卒至乘輿被困倉皇入關
其不度德而不量力者以視秦皇漢武又弗如遠甚左氏傳
所謂不務德而求遠畧非正為若輩言耶至北魏始都盛樂
石晉入居陰山非巡幸所及與元代之起自沙漠者同以故
元太宗避暑九十九泉與魏主燾之謁金陵敗陰山俱不及
識不勝識也

歸終識畧卷廿四

亭縣張 魯小表初輯

人部

官制

附各官庫俸
暨職官表

陶唐命和叔定朔方有虞肇於九州之外析并幽營三州為十有二州州置牧蓋所謂十有二牧是也

幽并屬焉

夏商周俱封建官制無考

秦分天下為四十郡郡各置守漢置雲中定襄五原太守及刺史

都尉北魏置懷朔鎮將行台省事及北道大都督仍置威樂太守

北齊北周俱有豐州刺史並總管隋置刺史太守及總管府唐置

豐州刺史太守定襄道總管道漢行軍并州豐州總管府及都督

府天德軍都防禦使單于道朔方軍大使朔方振武豐夏等州節

度使司馬司戶參軍縣令長史即故單于台置都護府以統之磧

以北屬瀚海都護府磧以南屬雲中都護府安北鎮北振武軍有大都護有副都護後唐置節度使宋遼金俱有豐州刺史天德軍及雲內節度使宋有刺史都指揮團練使兵馬監押及知州事遼有知州事及縣令金有總管府雲內州防禦使勝州刺史東勝義豐會州縣令雲內州錄事司元置錄事司豐州雲州宣撫使豐靖雲內三州都達魯花赤雜造局大使副使知州同知判官明初設雲內知州同知宣大總管中前後千戶我

國朝初設正都統二員副都統四員雍正元年設歸化城理事同知協理筆帖式一員後添設六員共協理七員乾隆二年裁去都統移朔平府駐防將軍駐綏遠城二十七年裁去副都統三員留一員駐歸化城將軍副都統屬下各官俱見兵防乾隆六年設歸綏道駐城外又設綏遠城理事同知倉庫大使裁去七協筆帖式

改設和林格爾薩拉齊清水河托克托城理事通判四員及歸化
城為五廳各添設管獄巡檢又歸化城畢齊克齊薩拉齊泊頭鎮泊
色添設分防巡檢二員官制乃定其巡檢御史三年一至非常行
駐扎者不在此列稅務監督則詳於物部之稅課門又十五年設
豐鎮鎮通判至三十三年改理事同知十五年并設寧遠廳通判
均隸歸綏道為七廳至光緒二十九又歸化以北地為武川廳分
薩拉齊以北地為五原廳分豐鎮以東地為興和廳分寧遠以北
地為陶林廳現又奏准添東勝廳共為十二廳官制略備矣將考
古今人之宦績而先叙其姓氏而為之表如左

附各官廉俸

鎮守綏遠城將軍管轄右衛等處地方管理旗兵并土默特官
兵右衛旗兵調遣宣大二鎮每年俸銀一百八十兩養廉銀五

百八十六兩零

鎮守歸化城等處地方副督統每年俸銀一百五十五兩養廉

銀六百兩

以上二員另有俸米見兵防門
俸餉題內其俸銀由旗庫領給

分巡歸綏等處地方兵備道總理旗民蒙古事務管轄六廳監

督稅務每年俸銀一百五十兩養廉銀四千兩

由左玉
縣批解

歸化城理事同知管理蒙民事務綏遠城理事同知管理旗務

經收歸化五廳豐鎮寧遠兩廳地丁銀米以備八旗官兵糧餉

每年各俸銀八十兩各養廉銀一千二百兩

和林格爾薩拉齊清水河托克托城四理事通判俱管理蒙民

事務每年各俸銀六十兩各養廉銀八百四十兩

綏遠城倉庫大使一員五廳管獄分防巡檢七員每年各俸

銀三十一兩五錢二分各養廉銀六十兩

以上各官廉俸
俱由藩庫領給

附職官表

朝代
年月

將軍

副都統

歸總通

乾隆

二年
三月
玉昌
始由朔平府
移駐綏遠城
兼管八旗滿
蒙官兵事務

五年
三月
依呼慎
一作伊里目

七月
普禧
一作補熙

六年
六月

七年
四月

十二月

六格

賦
今署文案卷宗
未詳其名俟考

索泰

九年

十一月

十年

十一月

十二月

十四年

二月

十五年

十月

十九年

六月

八月

二十一年

九月

二十三年

五月

八月

福昌 福一作富

保德 保一作寶

廣通卓法克

阿桑圖

喜 以歸化同知護
任後緩爭正法

固

二十四年
六月

恒祿

七月

二十五年
四月

二十六年
二月

四月

如松

二十七年
三月

蘊珠

珠一作柱次年
始兼管土默
特官兵回歸化
城裁去左右翼
奇統及三副都
統故也

二十八年
正月

綽和諾
裁留
一員

十二月

二十九年

吉福
吉一作積

索

柏混

五

長安

三十二年
正月

松春

一作嵩椿

十月

三十三年
二月

巴祿

三十四年
四月

富良

富一作傳
良一作果

三十五年
六月

諾倫

三十六年
七月

榮寶

一作容保

長清

長一作常

伯成

始管理綏遠
城官兵

錫

羅

富躬

始監督歸化城
稅務

四十二年 十一月	烏密太 <small>一作五米 泰</small>	四十二年 二月	雅朗阿 <small>朗一作明</small>	四十四年 四月	宏尚 <small>尚一作响</small>	十一月	吉善	四十五年 十月	伊	四十六年 五月	松春 <small>再任</small>	十二月	忠泰	四十九年 五月	烏尔图纳逊 <small>纳一作 却</small>	十月	吉福	五十年 十二月	七十五	五十一年	松春 <small>三任</small>
-------------	----------------------------------	------------	----------------------------	------------	---------------------------	-----	----	------------	---	------------	-------------------------	-----	----	------------	-----------------------------------	----	----	------------	-----	------	-------------------------

五十四年
二月
興照一作摩

五十六年
四月

五十七年
十二月

五十八年
二月

六十年
二月

十二月

嘉慶元年
四月

十月

三年
三月

四年
十月

興照一作摩

圖桑阿

永琨一作揚坤

烏爾圖納遜

福瑞一作富銳

永慶一作揚清

慶怡怡一作儀

恭

齊布森

吉

十二月	六月	八月	八年 七月	九月	九年 五月	六月	十二年 三月	九月	十月 十三年
		崇尚 <small>後調任江寧</small>		德勒格楞貴 <small>在任病故</small>	奇慎 <small>慎一作臣後調任烏里雅蘇台</small>	春寧 <small>後在任病故</small>		來怡 <small>後調任京城都統</small>	
	西拉布 <small>在任病故</small>						吉勒章阿	錫林泰	
齊布森 <small>復任有傳</small>			德綸 <small>有傳</small>						

閏五月

十四年

十月

十六年

四月

十七年

十月

廿三年

七月

十二月

廿四年

正月

七月

道光

元年

七月

二年

十一月

果勒豐阿
後調守東凌

八十五
立一作六後調任廣東

祿成
後調任黑龍江有傳

額爾奇
奇一作起後降誅

伯慶阿
慶一作鄒後在任病故

年德
後因病告休

伊星阿
後調任杭州

德綸
再任

高
百

岳祥
由汾州府升任有傳

三年 二月 德英阿 後調任四

四年 九月 宗室奕灝 後調盛京 襲封鎮國公

五年 十一月

六年 三月

七年 正月

三月

五月

八月

八年 八月

九年 三月

景昌 景一作晉 後在任 病故

特依順保 後調任 黑龍江

那彥寶 寶一作保 後調任四川

富尔松阿 後在任 病故

德穆

富象

桓額 額一作格

八月

十年
五月

昇寅 有傳 有詩

十一年
十二月

十二年
正月

彥德 有傳

二月

十三年
七月

惠顯

十二月

十四年
二月

十七年
正月

三月

祥康 後任盛京刑部侍郎

那

福

珠瀾

以大同府護軍 有傳

桂芬

後在任病故

覺羅瑞福

有傳

查克丹

由朔平府知府 護理道篆

普泰

十一月

十八年
四月

十月

二十年
七月

二十二年
九月

廿三年
四月

十二月

廿三年
四月

錫林

特登額
後任工部
侍郎

棍楚克策楞
後調任
吉林

色克精阿
精一作
金後任
禮部尚
書

宗室奕興

宗室成凱
後調任庫倫
幫辦大臣現
任綏遠城將
軍

雙寶
護理

普泰

廿五年
四月

九月

廿六年
正月

五月

廿七年
三月

六月

七月

廿八年
九月

廿九年
四月

威勳

多慧
字智友以潞安府知府
護理

文俊
字秋山

蘇埒
字小梅由直隸保定府知府并護理

吉祥

穆清阿
字五山

吉祥
再護

托明阿

成玉

英隆

咸豐

七月

二年正月

四年九月

五年四月

八月

六年三月

德勝

字心齋蒙古
鑲白旗人後奉
台回京

惠徵

德齡

後以廢空
案奉革

覺羅萬濟

字澤舟以
候補知府
護理

鐘秀

字石帆滿洲正
紅旗人由戶部郎
中簡任

扎拉豐阿

字文松漢軍
鑲黃旗人
刑部知府

八月

九月

九年
三月

十月

宗室成凱
鑲紅旗人

桂成
喀爾喀蒙古
公主府商

貴肇
由吏部郎中任

鐘秀
後因循在宗室
調前復留處另
補

理事同知

歸化城
綏遠城

理事通判

和林格爾
托克托城

薩拉齊
清水河

管獄巡檢

歸化城
薩拉齊

和林格爾
托克托城

清水河

分防巡檢

華齊克齊
泊頭鎮

倉庫大使

綏遠城

以上各員姓名俟補

附鐘秀上撫憲稟

為謹就所屬情形酌請變通各廳升調章程開具節畧恭呈
鑑事竊查通屬各廳本係土默特蒙古牧地南接邊牆西臨黃
河東界察罕爾鑲藍旗北界大青山後烏蘭察布源泉托蘇圖
山等處廣袤千余里三面毗連外藩

國初擴入版圖漸置牧使先設正副都統歸化城理事同知協理
筆帖式分理其事至乾隆初新築綏遠城既成乃徙右衛將軍
鎮守其地留副都統一員始設綏遠城糧餉理事同知倉庫大
使裁去七協改設各廳理事通判添駐道員又於各廳設管獄
分防各巡檢官制由斯而定治具由是而張凡地方應行事宜
立法已無可議惟是要荒僻遠終與腹地不同約舉情形其難
有四內地州縣大不過三二百里各廳轄境數百里外復兼管

外藩遇有命盜等案具歸勘驗清水河托克托城兩廳分管準

噶爾一旗各數百里歸化城則兼管四子部落茂名安達爾漢
三部薩拉齊則兼管烏拉特東西中三公達拉特貝子杭錦邵
王等五部自十余里至二三千不等程途往返動輒兼旬傳
証緝兇每多竄匿外藩廣於分壤實有鞭長莫及之虞則難於
控制口內糧地肥瘠不同口外則沙漠之區絕無沃土各廳惟
綏遠所管之渾漳黑河莊頭地糧尚可年清年款其餘如清和
兩廳山坡磽确屢報逃荒薩托濱臨黃河時虞水患歸化糧地
極多皆遠在山後苦寒之地春末開凍秋初預霜統年燠少寒多
禾稼難以長發稻粱菽麥本地稻地所生蒿子油菽亦皆視為
嘉穀勞於耕作而薄於收成故各廳雖有徵銀徵粟之殊類皆
完納維艱逋逃甚易則難於催徵安民之端莫先除暴而口外
地方遼濶草地處々可通賊騎便於往來兵役難於掩捕自歸

縱西城而外官民均係野處街市無城郭之固村落無堡寨可
憑雖有營汛卡倫勢難編及兼以七廳錯雜九旗毗連近接外
藩遠通各省刺麻蒙回燕晉秦隴之人無所不有詰之不勝窮
詰追之無可追尋故口外為盜賊之淵藪而緝捕甚難唐魏之
風素稱樸厚口外則互方雜處刁野成俗細微事故輒起爭訟
且遇蒙民交涉案件必由副督統委員會審事權不一辦理諸
形掣肘歸薩兩廳自外藩陸續放地以來曾添數十百村蒙民
間雜耕牧錯居或一地兩租而地戶自相爭奪或先放後逐而
蒙漢激成事端艱鉅頻仍無從措手則撫綏聽斷在在均難至
於口外血脈全在商人從前南北暢行故地方繁庶泉布流通
窮民為人傭工力作亦可藉資糊口近年道途不靖時事多難
舖主歇業收貨行商同而裹足壘市日形蕭索貧民艱於謀生

以致匪窺流行搶劫益出此又地方凋敝諸事增劇之一端不僅有妨於國推也夫以邊外之難治值近日之情形自非精明暗練通權達變之員不克以臻上理而各廳通判多由京外筆帖式簡補與各省撫民撫彝等廳曾任州縣者有別其向豈無人材傑出第歷練未熟驟膺盤錯之任恐未能措置裕如所以口外治理弗克日見起色者殆由於此故處今日而固整頓莫先於為地方求人材為地方求人材自宜少廣升途而酌優甄叙查各廳中綏和清托四廳係中簡之缺向由內院報滿及京察記名筆帖式中銓補歸薩兩廳均係兼四要缺向由口外各廳中升調定例本有區別因思記名并報滿筆帖式以之補授中簡之地自可勝任似不必盡議更張惟歸薩最固緊要若僅逐諸各廳未免道材途隘得人較難倘適遇乏材之時亦不得不就中升調似非

所以重繁要而求循良再查各廳員向以補授筆帖式為始論
俸推升員外郎部遠甚速雖有奏請暫留三年之案而年滿仍
轉京職竊以內地州縣亦係論俸推升如有出色人員即由本
省升轉歸薩二廳繁要過於州縣如果措施悉當正可留為外
用若聽其推升京職幾無異置散投閒人材未免可惜今欲籌
議變之法除中簡各廳銓補升轉及奏請暫留似可仍循其由
不必更議外其歸薩兩廳缺出擬請仍先儘各廳選擇如無可
調之人即由內地旂員繁簡州縣及簡缺同通內升調如任事
一二年後實在得力准由道詳請保奏將論俸推升注銷留於
本省以知府直隸州同知酌量補用如此量為變通庶外途較
廣要缺易於得人而有此外轉一途既可久於其任亦可藉資
鼓勵似於吏治民生均有裨益且查口外各廳介在內地外藩

之間而歸薩西廳形勢尤居吃背若地方靜謐風化肅然實為
三晉北面之藩蔽故兩廳之得人與否不但有關於吏治且有
關於邊防值此多事之秋不取不豫為籌及倘蒙憲台採擇而
昌言焉則疆圉之幸也至口外之專轄地方者七廳道屬五廳
大朔所屬二廳其中緊要三缺歸化豐鎮俱設同知惟薩拉齊
則設通判缺同銜異似有未均况薩廳政務繁難較之歸豐兩
廳有其過之無或不及且該廳接壤烏拉特等五旗與外藩王
公貝子時有會辦事件僅以通判臨蒞其地似未足以資彈壓
所有薩拉齊一缺可否照豐鎮之例改為理事同知以崇體制
之處謹肅附呈伏候鈞裁謹稟

歸綏識畧卷廿五

崞縣張 曾小袁初輯

人部

兵防

附俸
餉

綏遠城八旗滿洲蒙古兵三千二百名內馬兵二千名步兵七百
名養育兵五百名編為滿洲十六佐領蒙古四佐領每佐領下設
佐領一員防禦一員驍騎校一員共佐領十五員協領兼佐領五
員防禦二十員驍騎校二十員管理旗務其各佐領俱有圖記
協領五員佐領二十員每協領管理佐領四處該佐領遇有事務
呈明協領轉呈將軍副都統辦理其協領俱有圖防以上各員係
將軍副都統由旗兵內挑選送部引見

綏遠城有左右二司設翼長二員各領給圖防由協領內挑選咨

報兵部左司管理操演兵丁命盜鬥毆賭博案件右司管理兵丁
錢糧戶婚田土廠地案件均呈明將軍副都統

將軍衙門有滿洲筆帖式二員蒙古筆帖式一員均由該旗內考
取

綏遠城世襲有三等輕車都尉二員騎都尉二員雲騎尉一員恩
騎尉十員

附俸餉

將軍每年俸銀一百八十兩養廉銀五百八十六兩二錢六分
親粟米石折銀六十九兩六錢六分隨甲餉銀米石折銀一百
七十九兩一錢六分人役工食銀二百八十八兩馬四十四匹
草豆銀五百六十八兩二錢六分預支草銀一百六十六兩三
錢二分共銀二千三十七兩六錢六分本色粟米五十七石

副都統每年俸銀一百五十五兩養廉銀六百兩俸米一百四十七石二斗五升

每協領一員每年俸銀一百三十兩粳粟米石折銀五十三兩九錢一分馬十二匹草豆折銀一百八十七兩一錢一分預支草銀四十五兩三錢六分共銀四百一十六兩三錢八分奉色粟米四十二石

每佐領一員每年俸銀一百五兩粳粟米石折銀三十八兩一錢一分馬八匹草豆折銀一百二十四兩七錢四分預支草銀三十兩二錢四分共銀二百九十八兩一錢四分奉色粟米二十七石

每防禦一員每年俸銀八十兩粳粟米石折銀二十八兩七錢一分馬五匹草豆折銀七十七兩九錢六分二厘五毫預支草

銀十八兩九錢共銀二百五兩五錢七分二厘五毫本色粟米十八石

每驍騎校一員每年俸銀六十兩糶粟米石折銀二十五兩五錢

六分馬四匹草豆折銀六十二兩三錢七分預支草銀十五兩一

錢二分共銀一百六十三兩五分本色粟米十五石

每筆帖式一員每年俸銀二十一兩一錢一分四厘糶粟米石

折銀二十五兩五錢六分馬四匹草豆折銀六十二兩三錢七

分預支草銀十五兩一錢二分共銀一百二十四兩一錢六分四

厘本色粟米十五石

輕車都尉每年俸銀一百六十兩騎都尉每年俸銀一百二十

兩雲騎尉每年俸銀八十五兩其米石馬匹折銀數目均與防

禦同恩騎尉每年俸銀四十五兩糶粟米折銀二十二兩四錢

一分馬三匹草豆折銀四十六兩七錢七分七厘五毫預支草
銀十一兩三錢四分共銀一百二十五兩五錢二分七厘五毫
本色粟米十二石

每馬兵一名給房二間每年餉銀三十六兩粟米折銀十五兩
七錢五分馬一匹草豆折銀二十八兩六錢六分五厘共銀八
十兩四錢一分五厘本色粟米十五石

步兵一名給房二間每年餉銀十八兩粟米折銀三兩一錢五
分共銀二十一兩一錢五分本色粟米十二石

養育兵一名每年餉銀十八兩並無房間米石

統計綏遠城自將軍以下官員兵丁每年俸餉共銀二十萬九
千一百九十五兩本色粟米三萬九千九百九十八石二斗五

土默特分左右翼男婦幼萬余名。兵丁五千名編為六十佐領。管轄兵丁均無俸餉。種地為食。每兵一名種地一頃。官員以上遞增。惟副都統銀米見前。兵丁五千名內前鋒二百名。領催三百六十名。披甲四千四百四十名。每年春秋二季派撥一千名操演。為操演營。每月給銀一兩五錢。其餘每月輪派各處當差六十佐領。下各設佐領一員。驍騎校一員。共佐領四十八員。參領兼佐領十二員。驍騎校六十員。

參領十二員。每參領管五佐領。各領給國防一顆。以上各官由該旗蒙古內挑選。咨送理藩院帶領引見。遇有處分案件。折罰牲畜。土默特有兵司戶司操演營三處。各設翼長一員。頒給國防由十二參領內挑選。咨報理藩院。其兵司管理命盜鬥毆賭博案件。其

戶司管理戶口田土案件與綏遠城左右司同其操演營則專管
春秋二季操演兵丁該三處遇有事務仍呈請副都統辦理不得
自專

以上土默特

歸化營都司一員把總外委額外委各一員兵一百八十五名
清河汛外委一員兵二十九名沁昌汛外委一員兵二十七名多
爾濟汛外委一員兵二十一名薩拉齊汛把總外委各一員兵四
十四名泊頭汛把總一員兵十九名共兵三百二十五名乾隆二
十六年由寧武營屬之利民營移駐俸餉俱照常例其都司營房
即前都統署改設

以上綠營

朝統一寰宇西則西安寧夏東則江寧京口南則杭州荊州東
南則廣東福建巖疆所在設立八旂駐防官兵統其任者非公
侯勛戚即帶礪天潢膏藜重也嗣以承平累世徙置不一康熙
三十三年

聖祖仁皇帝特遣禁旅五千駐防右衛至蕩平準噶爾後撤去
護軍統領參領護軍校等員惟將軍以下鎮守如故至乾隆
二年移駐綏遠城二十八年因歸化城裁去都統始與副都
統互管旂兵及土默特兵并添設綠營官兵防制極為周密
且旂兵與綠營兵并俸餉優渥惟土默特兵分種地畝寓兵
於農劍戟耰鋤雖並行不廢而日積月久潛移默化君子於
此有深心焉近則五千之設已成虛名所有操演兵一千實
止有此數非從前輪派者比其所種地畝亦多半典賣除春秋

月給銀一兩五錢而外餉需毫無所出每遇徵調則軍裝器械籌備維難較之綏遠城旂兵及綠營官兵因數年來銀數減成以致仰俯不給者又復大相懸隔矣頃與當事談及聞山後各名寺有草廠地畝尚待開墾倘以其半撥照乾隆八年及三十七年嘉慶五年十年等例酌量撤回按兵丁名數分給其地距城遙遠或令子弟赴彼耕種或收取租佃銀米并將章程妥為立定其兵丁因事革職或本身亡故者即退出地畝交補額人承種不得據為世業擅自典賣至前此所賣地畝民人耕種已久前后或累易主名如果有契據可憑許照國內稅契例仍回管業無庸紛爭聚訟惟其地基地畝數必須勘明不得越界侵佔此法似於蒙民均有裨益官吏

亦省煩擾是在留心邊務者熟籌之耳鄭說未取遽信也

歸綏識畧卷廿六

崞縣張 曾小袁初輯

人部

宦績

漢

孟舒嘗事趙王張敖高帝八年貫高等謀發招捕群臣有敢隨趙王罪三族惟田叔孟舒等十餘人赭衣自髡鉗隨敖至長安敖事白得出進言叔等十人上詔見與語漢廷臣無能出其右上悅盡拜為郡守諸侯相舒為雲中守孝文帝初立召漢中守田叔問曰公知天下長者乎叔對曰臣何足以知之上曰公長者宜知之叔頓首曰故雲中守孟舒長者也是時舒坐寇大入雲中免上曰先帝置孟舒雲中十餘年矣虜常一入舒不能堅守無故士卒戰死

者數百人長者故殺人乎叔叩頭曰夫貫高等謀發下明詔趙有
敢隨張王者罪三族然孟舒自髡鉗隨王以身死之豈自知為雲
中守哉漢與楚相距士卒罷敝而冒頓來為邊寇孟舒不忍出言
士爭臨城死敵如子為父以故死者數百人孟舒豈_國之哉是乃
孟舒所以為長者於是上曰賢哉孟舒復召以為雲中守○魏尚
槐里人文帝時為雲中守其軍市租盡以饗士卒私養錢五日一
推牛饗賓客軍吏舍人匈奴遠避不近塞者數年十四年虜騎躡
入尚率兵追之殺敵甚衆上功幕府首虜差六級徵下吏輸將作
徒一日帝念雲中撫解而思賢將向及馮唐曰吾在代數聞趙將李
齊之賢今吾每飯意未嘗不在鉅鹿也唐曰尚不如廉頗李牧陛
下雖得頗牧不能用耳帝異其言唐曰魏尚守雲中大有邊功一
言不相應而文吏即繩以法使豪傑隳氣士卒離心由此言之陛

下近失魏尚而返遠慕頗牧哉帝悅即日令唐持節赦尚復以為雲中太守

孟舒魏尚皆以文帝時為雲中守皆坐匈奴入寇獲罪皆得士死力皆用他人言復故官事極相類疑其祇一事耳宋洪容齋隨筆言之

李廣隴西成紀人猿臂善射文景武帝時為驍騎都尉歷上谷雲中雁門等七郡太守屢將兵擊匈奴善撫下得士卒死力遇大敵持重不驚意氣自如單于素聞廣賢令曰得李廣必生致之廣數與虜角為虜所得廣時傷置兩馬間給而感之卧行十余里陽死晚其旁有一兒騎善馬即騰而上捉兒鞭馬南馳数十里取兒弓射殺追騎以故得脫元朔六年復為將軍出定襄前后四十余年每得賞賜輒分其麾下家無餘財絕不言生產事將兵寬緩不苛

人以此愛樂為用塞北嘗號為飛將軍以數奇不得封侯至元狩
四年大將軍青驃騎將軍去病出塞令廣并於右將軍趙食其軍
出東道迷惘其路後大將軍長史急責幕府上簿乃自到百姓固
之知與不知老壯皆為垂泣

韓安國景帝時為定襄太守。李息武帝元光中為將軍出雲中

公孫賀字子叔北地義渠人元光中以輕車將軍出雲中後再

以左將軍出定襄以淳沮將軍出五原。衛青元朔二年以大將

軍出雲中六年出定襄元狩四年復出定襄

詳史鑑門

。遂成元朔中

為雲中太守。趙不虞元狩中為定襄都尉。義縱武帝時以上

党令遷定襄太守漢書謂其桎獄中重罪二百余人及賓客兄弟

私相入視者亦二百余人一切捕鞠坐以謀為死罪解脫盡殺之

共四百余人其殘酷可知矣。徐自為太初中以光祿勳出五原

塞築塞外城障列亭至廬胸。李廣利征和三年春將七萬人出
五原。公孫戎以校尉從大將軍青出定襄。韓說天漢四年以
游擊將軍統步兵三萬出五原。呂辟胡昭帝始元元年為雲中
太守。趙充國宣帝本始中以後將軍將四萬騎屯緣邊五原雲
中定襄等九郡。韓延壽五鳳元年為五原太守。田順宣帝時
以雲中太守為虎牙將軍。鄭吉為雲中都尉。馮立字聖卿上
党人竟寧中五原都尉河平三年遷五原太守居職公廉治行與
元野王相若而多智有恩貸好為條教吏民嘉美人稱之曰小馮君
。辛慶忌字子真狄道人少以父任所在著名成帝時執金吾數
年陽朔中坐小法左遷雲中太守。班伯亦成帝時人河平中上
使持節迎單于於塞下會定襄大姓石季辟輩報怨殺追捕吏伯

上狀自請願試守朔月上即拜為定襄太守定襄間伯素貴年少

自請治劇畏其下卓作威吏民竦息伯至請問耆老父袒故人有
曰愚者迎延滿堂曰惟供具執子孫禮郡中曰弛諸所賓禮皆名
豪懷恩醉酒供諫伯宜頗攝錄盜賊具言奉謀亡匿處伯曰是所
望於父師矣乃召屬縣長吏選精進掾史分部收捕及他隱伏自
曰盡得郡中震慄稱神明後官侍郎卒年三十八朝廷愍惜○畢
原哀帝元壽中定襄太守○劉歆為五原太守○劉茂為五原都
尉屬國侯俱在哀帝時○僕雷電五原都尉○王殷雲中太守隋
文中子十八代祖也

東漢

隨昱五原人與李興同起兵稱將軍迎盧芳芳以昱留守五原芳
亡入匈奴其衆盡歸昱昱隨漢使程璜詣闕拜五原太守封鏘胡
侯○李興亦五原太守乃盧芳偽官也○橋扈亦以盧芳時為雲

中太守舉郡降帝令領職如故。廉范杜陵人明帝時舉茂才數
月遷雲中太守十六年春虜大入塞烽火日逼故事戎騎過五千
移檄旁郡請援吏以為請范不許自率郡兵拒之會日暮范令軍
中人各縛兩炬三頭薰火營中星列望者謂救兵大至驚欲遁范
乃令軍士蓐食馳往赴之戎騎擾亂自相躡籍由此不復向雲中
。吳棠以度遼將軍屯五原曼相度遼非此間專官余不及識。
祭彤明帝時為太僕與吳棠同將兵出五原塞。馬褒為西河長
史永平五年冬北部六七千騎入五原塞遂寇雲中原陽褒赴救
寇乃引去郡縣賴以安。馮柱和帝永元六年定襄太守。度遼
將軍竇宪耿秉出五原大破北匈奴。鄒陽出桐陽塞遂至燕然
山。梁慄字伯威北地弋居人永出三年行度遼將軍事四年正
月將八千余人取救耿種至屬國故城。耿夔永初五年擊莫鞮

日逐王亦至屬國故城追斬千余級殺其名王六人獲穹廬車重
千余兩馬畜生口甚重以不窮追余寇左轉雲中太守。成嚴元
初中雲中太以擊其至韃敗力戰死功曹楊穆以身捍嚴與俱死
。陳龜字叔珍上党法民人家世邊將便習弓馬少有志氣永建
中舉孝廉丘遷至丘原太守永和五年拜使匈奴中郎將時南匈
奴左部反亂龜以單于不能制下外順內叛促令自殺後徵為尚書上
書言梁冀罪狀帝不省自知必為冀所害不食死士庶為舉哀而
祭其墓。竇奉陳翔俱恒帝時定襄太守。崔寔素有重名延禧
元年冬拜丘原太守丘原土宜麻桑而俗不知識民冬月無衣寔
至作紡績織絁練編之具教之民有余衣焉是時戎騎連入一歲
至九奔命寔烽堠僅士馬練甕聞之不取過丘原。藥賀靈帝時
雲中太守。陰沈定襄都尉。王智丘原太守。

北魏

司馬文忠世祖時懷朔鎮將。元繼高祖時都督北討諸軍事命懷朔以東悉稟節度。元安壽高祖時懷朔鎮大將。元天賜亦懷朔鎮大將。元萇大和中除懷朔鎮都大將俱以宗室鎮要地者。○唐崇及弟興業高祖時相繼為威樂太守。陸延正始中懷朔鎮大將。○穆鑊字文福俱世宗時懷朔鎮將。源懷父賀為聖武帝詰汾八世孫降魏太武帝見之曰與御同源可改姓為源氏孝文帝遷洛陽北邊荒遠百姓饑饉乃加懷行台巡北邊賑貧民以邊境事少而置官很多奏裁五之一柔然侵邊詔懷指授方界以便宜行事懷至柔然已遁懷案視要害之地及儲糧積伏之宜大牙相救之勢凡五十八條分兵置戍勤農積粟北方無憂懷性寬

簡常曰為大人當舉綱維何必事之詳細譬如為屋外望高顯樞

棟平正基壁完牢足矣斧斤不平斲削弗密非屋之病也仕至驃
騎大將軍馮翊公卒諡曰忠。閻進孝昌時為盛樂郡守。于所
揚鈞段昌與元畧俱為懷朔鎮將。司馬子恕一作如為懷朔鎮省
事。蔡普廣寧石門人守五原有功拜寧朔將軍卒贈燕州刺史

北齊 北周 隋

北齊婁叡大寧元年豐州刺史。北周令狐整亦豐州刺史。太
原王韶字子相建德六年從平齊封晉陽縣公宣帝初拜豐州刺
史隋初進爵項城郡公河北道行臺右僕射性剛直晉王廣甚憚
之豐州之名始於隋蓋人而不知何齊周時已有刺
史耶通志亦載此數人而未之一辨考古之難如此。漁俱羅馮
翊人氣壯聲宏言聞數百步隋拜豐州總管突厥入境輒擒斬之
自是屏跡不敢南下

唐

李靖字藥師京兆三原人太宗時突厥入寇以靖為定襄道行軍
總管率勁騎五千夜襲定襄破之突厥頡利走保鉄山遣使謝罪
請舉國內附帝使靖迎之又遣鴻臚唐儉將軍安脩仁慰撫靖為
副將張公瑾曰詔使到虜必自安若萬騎賫二十日糧自白道襲
之必得所歆遂督兵疾行去具牙七里乃覺部衆驚潰斬萬余級
俘男女十萬殺義成公主頡利亡去為大同道行軍總管張寶相
擒以獻於是斥地自陰山北至大漠後又破吐谷渾封衛國公年
七十九薨諡曰景武○徐勣字懋功賜姓李曹州人累官至并州
都督為通漢道行軍總管出雲中引兵與李靖合屯碛口降突厥
封英國公太宗嘗曰煬帝不擇人守邊勞中國築長城以備虜今
我用勣守并突厥不敢南下賢於長城遠矣○史大奈本是西突
厥特勒部人或曰阿史力勿大奈蓋虜姓原四字後改稱一字也

一曰賜姓史入隋為金紫光祿大夫後分其部於樓煩高祖起太原大柰率其部隸麾下貞觀初擢左武衛大將軍檢校豐州都督封實國公。蕭嗣業貞觀中為單于都護府長史。李旭輪麟德元年為單于大都護。張行師高宗末為單于都護皆新置單于府時即授。程務挺洛州平恩人官檢校豐州都督遷大將軍單于道安撫大使突厥憚之不敢盜邊後以申救炎死突厥相慶為立祠每出師輒禱焉。裴行儉字守約聞喜人調露元年為定襄道行軍大總管用兵持重料敵制勝討突厥屢戰皆捷余党悉平。崔智辨豐州都督突厥入寇以戰死。唐休璟名璿以字行京兆始平人為朔州刺史永淳中突厥圍豐州崔智辨戰死朝廷議棄豐州保靈夏休璟疏止之曰豐州控河過寇號為襟帶自秦漢以來常郡縣之土曰良美宜耕牧隋季表亂不能堅守乃遷

就竄慶戎羯得以乘利而交侵始以靈夏為邊唐初募人實之西
此一隅得以完固今而棄之則河旁地復為賊有而靈夏不足自
安非國家利也高宗從其言。張仁愿華州下邽人武后時遷并
州都督長史進左氏衛大將軍時朔方軍與突厥以河為界北崖
有拂雲祠突厥每犯邊必先謁祠禱解然後料兵交而南時默啜
悉兵西擊突騎馳去愿乘虛取漠南地於河北築三受降城絕虜
南寇路斥地三百里而還自是突厥不敢踰山牧馬減鎮兵數萬
歲省費萬億後人思之為立祠受降城出師輒祭享於是。張說字
道濟其先自范陽徙河南永昌中策賢良方正對第一累遷檢校
并州長史兼天德軍大使時朔方軍大使王晙誅河曲降虜阿布
思也九姓同羅拔野同等皆疑懼說持節從輕騎二十直詣其部
宿帳下召見首豪慰安之副使李憲言虜難信不宜涉不測說報

曰吾聞非黃羊不畏其食血非野馬不畏其刺見危授命亦吾效
死秋也由是九姓遂安。婁師德原武人天授初檢校豐州都督
儉約率下每患軍輸不給乃悉屯田積粟百萬兵用饒足無轉餉和
難之費。顏真卿字清臣同元中為監察御史五原有寃獄久不
決天且旱真卿辯獄而雨人呼為御史雨。李琬天寶六載為單
于都護。郭子儀華州人天寶八載以安北都護振遠橫塞軍使
兼五原太守充朔方節度使置橫塞軍於木刺山后以地瘠徙軍
永清城置天德軍。渾瑊鉄勒渾部之後居代署折衝果毅城永清
及天德軍肅宗初趨行在敗虜於天德大厯回紇侵太原破鮑防
軍拜城都知兵馬使自石嶺固而南督諸軍特角虜引去進單于
大都護振武東受降城鎮北大都護府累遷至節度使子錮天德
軍防禦使鐵豐州刺史。趙計大厯中豐州司戶參軍。李景略

幽州良鄉人大歷末為朔方巡官五原將時張光殺其妻以情市
獄前後不能決景畧覈實論殺之既而有若女厲者進謝如光妻
云初景畧以殿中侍御史兼豐州刺史以計伏梅錄威名震回紇
杜希全忌之誣貶袁州司馬遷太原梅錄復入朝爭坐景畧叱之
梅錄識其聲驚拜就坐復轉豐州刺史大德軍都防禦使窮塞苦
寒地瘠鹵邊戶勞瘁景畧至節用約已與士卒同甘苦鑿感應永
清二渠溉地數百頃儲廩器械畢具威令肅然以禮制虜回紇益
敬畏卒於屯贈工部尚書。任迪簡京兆萬年人擢進士第李景
畧表佐其軍當宴客行酒者誤進醯景畧用法嚴迪簡不忍其死飲
如醢徐以他詞請易之軍中悅其長者景畧卒舉軍諸為師授豐
州刺史天德軍使公私缺乏欲響士無所給至與門下同勵食身
居戰戶踰月軍中感其公請安卧內乃許三年上下完克卒贈刑

部尚書。○崔寧大歷十四年單于鎮北大都護。○張光晟大歷末
遷單于都護振武軍大使。○李懷光建中二年兼單于鎮北大都
護。○唐朝巨貞元二年領單于大都護振武節度使。○李察貞元
中知靈夏鹽豐四州受降定遠城。天德軍節度副大使知節度事
○郭鏞豐州刺史。○閔巨源貞元中振武行軍司馬十九年為節
度兼單于大都護。○杜希全貞元中充天德軍靈夏等州節度。
李光進榆次人元和六年為單于大都護振武節度使。○周懷義
元和八年天德西受降城防禦使。○燕重珣元和九年自左龍武
將軍出為豐州刺史。天德軍豐州西城中城都防禦使李奉先元
和十年自右金吾出為豐州刺史。天德軍西城中城防禦使。○長
李進誠為天德軍防禦使。○李佑為豐州刺史。李岫以豐州刺
史充天德軍東西城都防禦使。○李文悅以豐州刺史為天德軍

防禦使。○可見兩官無軒輊矣。○高霞寓范陽人。長慶三年吐蕃攻鹽豐二州。以兵五千屯拂雲堆。寇引去。後金城溉鹵田數千頃。○劉沔字子汪。徐州彭城人。少客振武。節度使范希朝。署身將軍。中大會。沔提刀立堂下。希朝奇之。名謂曰。後曰。必處五上。大和中。為天德軍防禦使。移振武。節度使檢校右散騎常侍。單于大都護。開成三年。突厥。奴營沔。發吐澤契苾沙陀部萬人。擊之。賊一嚙無反者。悉領所獲馬牛。於戰卒築都護府。西北四壘。加檢校戶部尚書。會昌初。回鶻寇天德。詔沔據雲伽岡。寇引去。後以還。太和公主。功進金紫光祿大夫。○封德彝。天德軍使。○朱邪執宜。太和中以柳公綽奏為陰山都督使。李遠。開成二年。為天德軍防禦使。○劉滢。巡邊使。○田牟。豐州刺史。充天德軍使。○石雄。徐州人。為天德軍防禦副使。回鶻入寇。掠雲朔。五原。塞雄。追寇至殺虎山。斬首萬級。

迎太和公主還進豐州防禦使皆武宗會昌中事。康承訓大中
初天德軍防禦使。韋宙京兆萬年人。父母字文明為顏魯公外孫
宙以父蔭於宣宗朝拜侍御史靈鈞節度太原表宙為副。是時回
鶻已破諸部入塞下剽殺吏民鈞欲得信重吏視邊宙自請往自
定褒雁門五原絕武州塞徧見酋豪錫諭之於是三郡公番諸種
皆信悅。張維清為單于都護有美化單于府表其政績簡詔立
碑為文紀之。張彥遠僖宗乾符二年豐州刺史充天德軍都防
禦使。蔡京乾符中天德軍使有知人鑑嘗備酒饌台小校顧彦
暉兄弟曰公兩人俱有封侯之相善自保愛他年願以子孫相依
後兩顧果繼為使相。王含太原人為振武軍都將其母金氏本
胡女善弓馬年七十餘有化狼之異見張讀宣寶志。宗瑤為天德
軍節度使周德威李嗣本李嗣恩為振武軍節度使皆在昭宗末

天祐中

五代後唐

明宗時高行周揚光遠為振武軍節度使。潞王從珂清泰時安重榮為振武戍將振武巡邊指揮使。

宋

王承美豐州人其父事契丹為左千牛衛將軍開寶二年率衆來降父卒授天德軍蕃漢都指揮豐州刺史太平興國七年與契丹戰斬獲萬衆明年契丹又入寇又擊敗之追至青冢百余里於豐州城立孔子廟。何子霖先世雁門人仕為忠翊郎守豐州安豐砦歿於王事。田重進幽州人太平興國中從征太原還錄功擢天德軍節度使。王文玉於大中祥符六年知豐州王余慶於慶

歷初知豐州時孫吉為豐州兵馬監押神宗時何權亦知豐州

郭承勳汾陽之裔郭氏自于儀後累世節鎮北方唐季承勳始入遼為天德軍節度使子孫世襲其餘如韓郭三類刺耶律鄉寧楊信于廷超耶律鐸軫俱天德軍節度使時立愛雲內縣令

金

郭企忠字元弼世為天德軍節度使至企忠父昌金降副使企忠襲父官於天輔中歸金命同勾當節度使事天會六年實遷節度使○耶律奴哥天會十年雲內節度使○完顏骨赧疑即大明寺碑所云完顏國報天眷初為天德軍節度使○皇統中徙軍拔改○大定中完顏仲婁俱天德軍節度使○張翰秀容人大定中進士歷東勝義豐會州令有治劇才所至輒辦累官至戶部尚卒諡達義○烏古論仲溫亦大定中進士除東勝州刺史遷鎮西軍節度

元兵破城不屈死諡忠敏。僕散揆章宗時節度使。完顏訥至寧
元年雲內州防禦使。鄭說雲內州錄事司。翰勒合打衛紹王
時陰山衛貞祐初陰山令。伯德察哥西南路人為東勝軍節度
使元兵克西南路隣郡皆降察哥獨不屈貞祐五年東勝州破與
姚里鴉胡姚里鴉兒招集義軍披荆棘復立州事興定元年詔遙
權節度使副使事三年真授東勝軍節度使東勝被圍糧絕死之
元

八思不花太祖時為豐州雲州宣撫使。竇點赤贍思丁太宗時
為豐清雲內三州都達魯花赤。張鑄延祐七年豐州知州兼諸
軍奧魯勸農事見修路碑碑有本州監郡。傑列奉議知州郭承
務同知哈喇不花承務判官綸忠勇等官職姓名未詳未便分識

李文忠字思本盱眙人太祖姊子洪武二年命會攻慶陽師次大
原圃大同圍急遂出雁門大破北師七年秋進師豐州擒胡官十
二人馬駝牛羊甚衆窮追至百千兒乃還卒追封岐陽王○黃巢
洪武中為雲內州同知五年秋蒙古兵突入城里率兵巷戰力屈
死之○劉漢嘉靖三十九年秋七月以大同總兵襲俺達於豐州
詳史○翟鵬字志南撫寧衛人正德三年進士嘉靖中以兵部右
侍郎代樊繼祖總督軍務上疏言將吏遇被掠人牧近塞宜多方
招徠殺降邀功者宜罪寇入官軍過敵雖無功竟賴以安者當錄
如賊衆我寡奮身戰雖有傷折未至殘生民者罪當源於法俘馘
論功損挫論罪乃有摧鋒陷陣不暇斬首而在後掩取者反積級
受功有逡巡觀望幸獲苟全而力戰當先者反以損軍治罪非戎律
之平皆從其議俺答屢入塞鵬馳拒朔州選精銳百人遠至豐州

西北遇牧馬者百余人擊斬二十三级奪其馬還未入塞寇大至
官軍饑憊盡棄所獲奔鵬據實陳狀上以將士敢深入仍行遣賞
○王崇古蒲州進士隆慶四年總督宣大軍務時馬市雖開而趙
全等勾引叛服不常崇古至練卒守要害防禦維謹會俺答孫把
漢卯吉來降崇古留之因而為市使俺答縛趙全等八人以獻送
還卯吉俺答貢名馬納款五十余年邊境又安烽烟頓息崇古之
力也晉兵部尚書廕一字錦衣衛千戶後總督吳亮鄭洛繼之終
明之世無邊害矣

國朝

費揚古滿洲正白旗人父額碩為

國勲戚封三等伯十四歲襲父職擢領侍衛內大臣撫遠大將軍

駐扎邊境綏緝蒙古從征厄魯特還晉爵內大臣一等公時歸化

城商販初集蒙古兵弁強攫貨物有索依者輒倚勢凌暴商民苦之
公至力除其弊有犯者即懲以法康熙三十七年二月朔奉特命還
京師塞外軍民高聲攀轅泣送立生祠羨後賜諡褒壯歸綏人尸
祝之

通志府志於名宦則曰伯費揚武正白旗滿洲人以内大臣
撫遠大將軍兼攝右衛建武將軍康熙三十五年統滿漢兵出
殺虎口與大同總鎮康調元殺虎協鎮王元登天山過瀚海
直抵昭磨多地方征剿厄魯特噶爾噶爾丹飲藥死擒其妻
子以歸斬獲甚衆凱旋論功封為一等公府志於祠祀則曰
白將軍生祠以致相沿至今俱稱白將軍於八旗駐防將軍則
曰白費揚武正白旗滿洲人康熙三十四年以内大臣撫遠
大將軍兼攝右衛將軍事宗寶費揚武正藍旗滿洲人康熙

三十五年由右衛左翼護軍統領擢補后封輔國公於藝文
則有歸化城撫遠大將軍費公祠堂碑記有白大將軍生祠
等語所謂大將軍者皆指伯費揚武而言與費揚古顯屬兩
人雖伯之與白白之與費稱謂不一而要與名古者無涉也
及讀邵陽魏氏記於我

聖祖親征準噶爾一事則並無伯費揚武之名而康熙三十
一年五月噶爾丹遣使至歸化城其遣兵迎詰且過之者將軍
費揚古也三十五年噶爾丹將入寇其與振武將軍孫思克
等率陝甘兵出西路邀其歸者大將軍費揚古也我軍至昭
莫多其先據小山次衝入陣斬獲追降暨三十六年以噶爾
丹自伏天誅奏者無一非費揚古也殿提督西征記略亦言
撫遠大將軍費揚古于清端公年譜於西路班師由中路歸

者亦言費大將軍而無伯與白之稱袁簡齋文集有領侍衛
內大臣撫遠大將軍費袞壯公傳則曰費公揚古滿洲正白
旗人居董鄂地方以地為氏數家所紀費大將軍功烈俱與
府志伯費揚武同而簡齋所作傳中有世襲三等伯一語疑
即誤稱伯費與白之由而武與古決非兩人矣且讀

欽定清語冊及清文鑑三合切音謂老生子曰飛鴉昂觚切揚
飛與費同音觚與武古同音此等語言本無定字無俟深考惟
府志成於雍正十一年距費大將軍時未遠傳前不應如是
之異且駐防將軍到任年月尚歷々可考即使當時果係兩
人亦不妨作一樣名字何必故為武古之異轉滋淆惑况忽
稱為伯忽書作白才盾者更不一而足耶至俗傳誅刺麻過
害之說顯與碑記所云命歸魚第傳云薨諡袞壯者異齊東

野語尤不足辨忻州王印川孝廉錫謂誅刺麻一事遠近同聲可以確信惟過害之說乃被教中張大其詞佞佛者遂從而信之其實爾時籍

聖祖如天之福大將軍不世之威決不取以瘕犬反噬也其語最有見解塞上文獻缺乏筭中又只此數卷書則姑據見聞所及以正府志之誤俟遇知者再為論定焉

附表枚撫遠大將軍費復壯公傳

枚字子才號簡齋浙江錢塘人弱冠試宏博乾隆戊午乙

未鄉會取捷既庶常出宰江南三十六歲以病歸奉母居隨園著有小倉山房詩文集行於世

費公揚古滿洲正白旗人居董鄂地方以地為氏年十四襲三等伯爵性朴直而貌雄奇待人以和無疾言遠色好在

上前自言已短人多笑之康熙十九年以御前侍衛為火器局總

管兼議政大臣二十九年厄魯特噶爾丹不靖

聖祖命隨裕親王征之破賊於烏蘭地方先是厄魯特部落與喀
爾喀連界厄魯特之子縱獵喀爾喀地方爭獸被殺厄魯特酋
長噶爾丹謀報仇陰令番僧千人詭游牧在其界內一年而喀
爾喀不知也突於除夕率衆鼓譟直入所伏十僧從中接引喀
爾喀度歲犇飲醉卧矣變起倉促父子不相顧向南狂奔噶爾
丹追逐所殺士卒無算喀爾喀牛料至中國歛面求救面目如鬼
自言饑餓重死乞

大皇帝活命

聖祖憐而納之仍與位號賜牛馬撥有水草處俾居遣人諭噶爾
丹曰汝兩小國唇齒相依當各守疆脫何必互相吞噬朕仰體
天地好生之心不喜人爭鬥汝可休兵回國無違朕命噶爾丹
奏曰喀爾喀殺我子我理當報仇

大皇帝要我罷兵可將我仇人車臣汗哲卜尊二人交出我便回

去

聖祖詔答云 人窮促來歸朕心哀之其肯以讐人畀汝之他日窮
促來歸朕亦如待車臣者待汝不岐視也噶爾丹恃強不服
聖祖怒下詔親征分三路出塞命公出西路

御駕出中路將軍馬思哈出東路先遣謀者誘其來噶爾丹

聖祖必不親臨果以兵至到克爾倫地方離中路營四十里其前
哨探知

御駕所在精兵悍將萃焉西路貴將軍兵已糧盡噶爾丹遂避中
路直犯西軍公下令曰我兵深入不毛噶爾丹探知糧盡故直
來犯我々當先示弱以驕之而一鼓作氣以擒之我軍今日親
我鳴角然後發矢礮我角不鳴先發矢礮者斬令畢噶爾丹兵

數千至矣各列隊兩山岡公先遣疲卒四百人挑戰噶爾丹張
兩翼圍之四百人盡歿於陣噶爾丹大喜直薄我師矢石如雨
公端坐胡床手執大角而不吹將軍孫思克跪請曰事急矣賊
騎相離二十步我軍張弓引矢張目待將軍若再不戰事恐不
支公怒叱之退又稍々近前公鳴角左右俱鳴角矢礮齊發瞬
息間煙塵蔽天賊衆披靡馬散走山凹公仰天大笑指揮衆兵
取虜糧物而窮追之其衆大潰酋長頭目或死或降噶爾丹僅
以身免奏上

聖祖諭云九月十三日御奏已到朕甚欣慰現丹濟勒雖降噶爾丹
降表未至然知其破壞已極不能支拒倘其來降卿可善言諭
導令至歸化城候旨當籌一地方安置之亦是聖人柔遠之意
王師凱旋公一軍功進爵一等仍管撫遠大將軍事公退而告人

曰我兵朽腹不能耐久故鼓其銳氣忘命一戰竟能勝之如彼
持重不鬥環圍一日則我敗矣或有頌其功者謝曰我有罪無
功我恃勇深入至於絕糧一罪也約會後期致勞

聖慮二罪也倘不仗

聖主如天之福虜不知兵我死有余辜尚取言功乎其謙退如此
公在軍中與士卒同甘苦坐帳下事無大小皆親決之有求見
者不待傳宣登時召入好讀左氏春秋手不釋卷一日立營未
久民捉一兵至訴其圍入渠家調其婦公向被污乎曰未也公
拔一刀與之曰今立營之初斬之不祥嗣後此兵取再來汝家
即將此刀斬之民與兵皆叩頭去後作先鋒衝虜陣者即此兵
也朔漢既平

聖祖詣箭亭觀射諸大臣皆彎弓發矢公奏臣臂痛不可以弓

上許之出而告人曰我曾為大將軍倘一矢不中不損國家威重
無乃為外夷所笑故不與諸將軍角伎也人服其雅量薨後賜

謚褒壯

此傳據事直書不愧史筆惟傳聞恐有失實如以四百

何處昭雪耶况自謝西罪並未及此哀壯公當日決不如是善
忘至厄魯特攻喀爾喀時曰此云除夕魏氏記作二十七年夏

又未知
氣誤矣

通智滿洲人康熙中以兵部尚書充會盟使有感重諸蕃畏服時
丹津為左翼都統和衷共濟遇事必相諮度如土默特文廟官學
倉庫教場以及先農壇之設俱合會奏奉

旨允行以整飭邊防興行教化為已任一時規模制度煥然改觀
迄今頌都護德者無不知大司馬多協贊之功云

丹津土默特人初授侍衛兼在京佐領職康熙四十二年襲歸化
城左翼都統五十九年與襲三等子雍正元年因高民為建生祠

奏請改建文廟設兩翼官學增設理事同知教商勸農教養兼備
為商賈十二行及農圃各村莊墾種之始乾隆元年設馬廠於城
北詔以丹津董牧務並協理新築綏遠城等工商民秋毫無擾二
年卒與貴大將軍合祠崇祀余詳土默特門

劉統勳自尔鈍一字延清山東諸城人雍正甲辰進士官至東閣
大學士清節威望著聞朝野為政悉舉大体不務苛切有古大臣
之風乾隆中奉使來城訊辦將軍保德與同知普喜互訐一案微
服出塞私訪月余人莫之識後寘保德普喜等於法並杖斃蠹役
白德明其餘官吏分別定罪無縱無枉去後數年市上每見白髮
翁衣服完潔者輒相驚以為公又至矣其聲名動人官吏畏服如
是一時多陰受其福卒諡文正記賢良祠

齊布森滿洲人嘉慶初莅歸綏觀察任愛民如子凡布縷粟米力

役之征悉行蠲免三年奉文辦運軍營崇塊蒙古員弁向城鄉居
民及過往商旅張索性高越界色送甚或調換駝隻商民不堪其
擾公出示嚴禁令蒙員自行備辦毋許勒派回商一時咸受戴之
在任八年擢粵西臬旋升豫藩以去高氏思其德為塑像貴公祠
與丹都護左右列並崇祀焉

蔣丹林散樗老人自記年譜嘉慶二十三年戊寅十二月二十
六日因都察院辦理京察錯悞與滿副都御史齊布森同降為從
三品候補道光元年八月十六日對蒙

上垂詢汝與齊布森同降係實降一級謫

天語簡在

帝心久矣此後未詳其補授何職識以俟考

德綸滿洲人嘉慶八年以吏部郎中簡任歸綏觀察因義學廢弛

日久捐廉興修設立規條至今遵行未替於城南創置義塚一所
掩瘞埋骸有澤及枯骨之頌焉先後蒞任十年擢升長蘆鹽運使
松筠字湘浦蒙古人嘉慶十年以兵部尚書奉使來歸化城訊烏
拉特三公案並署理綏遠城將軍先是扎薩克中公車楞旺楚克
多爾濟重斂苛虐其下經協理台吉圖斯拉克齊車楞敦多克密都
布約七十余人联名訴告正盟長西公巴圖鄂齊爾副盟長東公
拉特那巴拉積不能容公廉得其情奏削中公扎薩克印正盟長
交理藩院議其印改派副盟長拉特那巴拉代治之道光十二年
以大學士奉使勘定大青山後各旂游牧界址諸藩畏威懷德公
勤於任事遇地方爭訟立為剖決性復慈惠遇老幼殘疾者時賑
卹之生平喜作方丈大書尤喜作大虎字商民求書者無弗應一

時胥賈貴之至謂其可以辟邪我

朝欽使來城者不一其尤令人畏服愛戴者諸城劉文正公而後
惟公一人去之日塞上郡謳思之繪象祀費公祠後以壽終諡文
勤

昇寅字賓旭號晉齋滿洲鑲黃旗人嘉慶庚申舉人歷官至都察
院左都御史禮部尚書晉贈太子太保才諳勤直道光十年官終
遠城將軍時邊塞無事惟春秋按時訓練不使駐防軍士倚勢欺
壓商民在任卅年余輿頌至今不輟阮文達公作年譜序畧謂公
之學以勇於行為務其於吏事無不諳其施之於政無不斷所至
却苞苴絕請託故無所阻撓暇則出入經史以補其所不足當奉
使命崎嶇道路間讀書聲時入人耳詩文俱有寄託不以流連光
景見長著有使喀爾喀紀程草皇華草晉齋詩草行世

斌良字備卿又字笠耕滿洲正紅旗人由蔭生歷官刑部侍郎駐

藏大臣嘉慶十年以刑部郎中隨松文清公讞烏拉特三公旂案
其訊斷奏疏等務悉所經身過地方詞訟亦多委鞠一時頌松公
者必并及公為駐城兩月所著有輜車振遠雁門回轡等集自赴
綏遠城及歸化城行館感懷至晚抵胡家屯計詩百二十余首俱
在抱冲齋集中公為鍾石帆考觀察從祖因得見其題目詩則未
之見也塞上詠歌之多無或過見洎督漕江左陳臬陝豫皆有政
聲晚卒藏所諭賜卹恩有加焉

岳祥字壽農滿州人嘉慶中以部郎出守汾州游升歸綏道二十
四年七月授任時蒙古參領佐領因行高赴山後各部落貿易私
立小崇木戳給發執照需索萬端商旅幾至裹足道光元年公
稟請祿將軍成奏明文晉撫委員查辦公會同審訊將各員懲治

商民胥頌其德為立碑費公祠汾陽縣志亦載其政績

覺羅瑞福字芝田滿洲正藍旗人少孤性豪爽志氣高邁尤喜樸
素既冠以筆帖式趨公填勤屢荐升部郎為御史轉給事中巡視
察院聞有清名人咸敬之道光甲午歲任歸綏觀察使理監督
蒞政三載畧細節不苟青以休養生為念四野翕然祿良吏為
後引疾告去時摺中丞省菴謂公曰退志何急公曰人之得意不
可再往事留余步履宜是也時稅課有盈公決愆意可見胸襟坦
淡非利所能動者或謂忻權貴而去

摺成額字省庵滿洲正紅旗人道光中任綏遠城糧餉司知收放
銀米必躬視出納胥吏無侵尅遇委審事件判決如流軍民咸
稱頌焉隨松文清公相國勘定大青山後游牧界址及安設各卡
倫相國輒倚之如左右手去任之日行李蕭瑟不名一錢今石批
觀察與同族言其清節最詳

覺羅瑞福字芝田滿洲正藍旗人少孤性豪爽志氣高邁尤喜撲
素既冠以筆帖式趨公填勤屢荐升部郎為御史轉給事中巡視
察院聞有清名人咸敬之道光甲午歲任歸綏觀察使理監督事
莅政三載畧細節不苟青以休養民生為念四野翕然稱良吏為
後引疾告去時摺中丞省菴謂公曰退志何急公曰人之得意不
可再往事留余步履宜是也時稅課有盈公決愆意可見胸襟坦
淡非利所能動者或謂忻權貴而去

哲成額字省庵滿洲正紅旗人道光中任綏遠城糧餉同知收放
銀米必躬視出納胥吏無侵剋遇委審事件判決如流軍民咸
稱頌焉隨松文清公相國勘定大青山後游牧界地及安設各卡
倫相國輒倚之如左右手去任之日行李蕭瑟不名一錢今石瓶
觀察與同族言其清節最詳

顧北魁直隸清宛人咸豐二年八月以和林格爾巡檢奉委解湖
南軍餉遇寇殉節經部議卹從祀昭忠祠世襲雲騎尉

崞縣張 曾小表初輯

人部

賢材

漢李沮雲中人事景帝至武帝時以左內史為疆弩將軍屬大將軍青。郭昌雲中人以校尉從大將軍為大中大夫拔胡將軍屯朔方。趙破奴故九原人元封二年封浞野侯太初二年為浚稽將軍將二萬騎擊左賢王為虜所得居十歲復以其太子安國入漢為驃騎將軍。李興五原人王莽篡漢興起兵祿將軍從匈奴言迎盧芳入塞立為漢帝都九原以興為五原太守後以事誅隨昱亦五原人與興同起兵後歸漢見宦績

東漢裴遵雲中人為燉煌太守光武既得河西四郡召見郡邑吏

以遵為賢從征蜀帝既遂命遵率偏師從大司馬吳漢討公孫述
定蜀地有功曾孫曄為遼東將軍遷聞喜順帝時○裴岑亦雲中
人為燉煌太守永和二年八月將郡兵三千誅呼衍王等斬馘部
眾克散全師除西域之災蠲四郡之害邊境又安立碑紀事今石
高存可以補史傳之缺疑岑亦遵之後人也○呂布字奉先五原
郡九原人以驍武事并州刺史丁原為騎都尉靈帝崩原將兵討
洛陽董卓入京師誘布令殺原以布為騎都尉甚愛信之誓為父
子稍遷至中郎將封都亭侯布與卓侍婢私通恐事發覺不自安
時司徒王允密謀誅卓使布為內應布手刃刺卓允以布為奮威
將軍進封溫侯李傕等入長安布將數百騎出武關此諸表紹之
假布領司隸校尉擊張燕於常山破其軍布自以為有功於袁氏
輕紹諸將紹忌之遣壯士夜掩殺布不獲布走河內與張揚合揚

為雲中人張邈從陳宮言迎布為兗州牧據濮陽與曹操戰敗東
奔徐州襲取下邳自稱徐州刺史操以天子命拜布為左將軍遣
安三年布叛操自往征布降操縶殺之

北魏羅結玉林衛人先世領部落為魏附臣劉顯之逆結從道武
幸賀蘭部後以功賜爵曲蛇侯太武初累遷侍中外都大官總三十
六曹事年一百七歲精爽不衰太武以其忠愨甚信待之監典後
宮出入卧內因除長秋卿年百一十詔聽志老賜大寧東川為
私第別墅并為築城號曰羅城朝廷每有大事驛馬詢問焉年百
二十卒贈幽州刺史諡貞子斤從太武以力戰有功賜爵帶方公
卒諡靜陪葬金陵子取襲爵位軍部尚書卒子伊利襲賀拔余
頭出陰山驍勇絕倫歟武時以功賜爵為武川鎮軍子度拔孫允
勝岳俱貴頭。赫連達字翔周盛樂人勃之後改姓杜性剛勁有

抱力少從賀拔岳征討有功及岳為侯莫陳說所害達馳往周文
清兵定亂魏存武入國褒叙勲義復姓賀連除雲州刺史進爵為
公雖非文史然性質直遵奉法度廉儉自持達欲招集異類報以
繒帛主司請用官物達曰羊入我廚物出官庫是欺上也令取私
帛與之識者嘉其仁恕尋進爵樊川郡公位柱國

按侯景為懷朔鎮人不識命纂

也逆

隋曰毗榆林盛樂人七歲襲爵石保縣公邑千戶長儀貌於嚴好
往史工書畫尚周清都公主入隋遷殿內監

唐顧彥朗與弟彥暉同為天德軍小校其使蔡京識其兄弟有封
侯相每厚禮之稍進秩黃巢亂長安率軍同復京師以功遷朗
右衛大將軍擢拜東川節度使節為壁州刺史王建取因率兵
攻之朝廷累遣中使諭解達拒命不奉詔圍急暉與其門下親信

諸將自殺史稱暉詳緩有儒者風

府志載唐時有蜂于者

司蜂候之非人名也

豐州人永泰初暮出為党

項掠去與西蕃易馬番將令穴肩骨貫以皮索配馬數百蹄與之牧經半載馬繁息番將賞以羊革數百因轉近牙帳贊普子愛其了事遂令執燾左右有曠白余酪與之又居半年因與酪

肉悲泣不食問之云有老母頻夜夢見贊普憐之夜召入帳中

語曰番法嚴無放還倒與爾馬有力者西正間道縱爾歸無言

我也蜂于得馬遂逃馬俱乏死因晝潛夜走數日為刺傷足倒

磧中忽有風吹物窻窻過其前因取以裹足有頃不復痛試起

行走如故信宿及豐州界歸家見母母悲且喜曰自失尔我唯

誦金剛經寢食不輟以祈見尔今果如願亟取經拜之縫斷處

亡數幅子因道磧中傷足事解視之所裏創物乃數幅經也此事

頗涉怪誕金剛經集驗曾載之志為史之流才學識闕一不可
學識兩字正為此等處言昔人每識一事往往隨便舉一地名
若刻舟求劍誤矣是編非正史所紀不許闌入然以其孝思之
感至性動人弗忍湮沒也附識於此以為忘親者勸

五代唐董

或作孫

重進振武人晉王李克用破朔州得之賜姓名為

李存進從破黃巢事唐莊宗戰河北再兵來往頗以為勞存進乃
以葦葦繼大艦為浮橋莊宗大喜解衣賜之以功遷振武節度晉
討張文禮於鎮州以存進為招討軍於東垣度東垣土惡築壘不
能就存進伐木為柵文禮子處球以兵千余逼柵存進出戰橋上
殺其兵殆盡存進亦歿於陣追贈太尉

江洲圓通寺僧死後雕青於背曰李重進見癸未

識謂與駱廣王純平仲同末審即存進否也附識於此以廣異聞

宋袁繼忠振武人父進事周為防禦使繼忠以父任補右班殿直

宗太祖平澤潞討并汾悉預攻戰與都巡檢郭進掠地忻代太宗
時契丹入代境繼忠護高陽固與崔彥進破長城口殺獲數萬衆
金書褒美累官遷上閣門使為人長厚忠謹士大夫多與游子用
成雍熙中登進士第官太常博士王承美豐州人見宦績姚兪五
原人父寶戰死定州兪補右班殿直為還慶巡檢與夏人戰一矢
斃其酋衆潰遂破蘭浪駐荔原堡敵入寇邊有悍酋臨陣甚武兪
射之中斬其酋還一軍驩呼手射數百人列指流血賊衆復攻大
順城兪往救之轉鬥三日斬級數千卒全二城神宗聞其名召入
見試以騎射屢中的賜銀槍袍帶戰勝功取所向必克累功拜通
州團練使卒贈忠州防禦使兪幼失怙事母孝凡圖書器用皆刻
仇讐未報字力學兵法老不廢書尤喜顏魯公翰墨曰吾慕其人
耳弟麟亦有威名國中號二姚兪攻河州時麟在兵間中矢透背

鏃苗不去以強弩出之笑語自若累功進都指揮使節度建雄定武
軍檢校司徒卒帝詣其第臨奠贈開府議同三司麟為將沈毅持
重不少縱捨宿衛士嘗犯法詔釋之麟杖之於建而後請拒詔之
罪故所至肅然兒子雄古佐父征討有功雄少勇鷙有謀歷知岷
會河熙州遷武康節度使卒謚武憲古累官熙河路經畧靖康中
總兵援太原與金人戰种師忠敗死古兵潰安置應州孫平仲古
子靖康中為太尉金人圍汴都平仲夜出攻敵營不利逸去隱青
城大西山建炎初以觀察召之不出後有人於丈人山遇見年幾
百余歲兒麟之祖名福進以挽強名人呼其族為姚硬弓家見老學菴筆記

遼邊貫道豐州人狀元及第子三長元勳遷雲中金天會十年進
士終河間路轉運使次元鼎元恕並以文學著名史稱王承美於

豐州城立孔子廟故文教振興如是

金武都字文伯東勝州人。大定二十二年進士官商水令。治盜有聲。以親老與弟監察御史都俱乞侍服。除為太原治中。遷灤州刺史。歷刑部尚書。河東路宣撫使。興定元年卒。見循吏傳。程震東勝州人。與兄鼎俱第進士。興定初震為陳留令。治聲河南第一。召拜監察御史。彈劾無所抗。時皇子荆王為宰相家僮席勢侵民。震以法劾之。奏曰：荆王以陛下之子任天下之重，不能上贊君父，同濟艱難，願乃專恃雄勢，蔑棄典禮，罔納僨賂，進退官吏，縱令奴隸浸漁細民，名為私市，其實脅取。諸所不法，不可枚舉。陛下不能正家而欲正天下，難矣。於是上責荆王杖大奴不法者數人，未幾坐為故吏所頌，罷官。歲余嘔血卒。完顏陳和尚豐州人名，彛字良佐，以小字行，系出蕭王。諸孫年二十余為元兵所掠，太師甚愛之，置帳下，時毋苗豐州從兄安平都尉斜烈事之甚謹，陳和尚在元

歲余托以省母乞還太師使卒監之至豐乃與斜烈刼殺監卒奪馬奉母南奔元兵覺合騎追之由他路得免既而失馬母老不能行載以鹿角車兄弟共挽南渡河宣宗奇之斜烈以世官授都統陳和尚試補護衛未幾轉奉御斜烈行壽泗元帥府事奏陳和尚自隨詔以充宣差提控佩金符陳和尚天資高朗雅好文史自居禁衛曰人以秀才目之踰年轉忠孝軍提控五年元兵入太昌原平章合達問誰可為先鋒者和尚出應命先以沐浴更衣若將就木禪者環甲上馬不及反顧蓋是時母已歿矣是日以四百騎破敵八千衆奏功第一手詔褒諭授定遠大將軍九年正月三峯山之敗走鈞州城破元兵入即縱兵巷戰陳和尚趨避隱處殺掠稍定乃出自言曰我金國大將欲白事兵士以數騎夾之詣行帳向其姓名曰我忠孝軍總領陳和尚太昌元平之勝我也衛州之勝

倒回各之勝亦我也我死亂軍中人將謂我負國家今日明白死天下必有知我者元兵欲其降斫足脛折不為屈割口吻至耳噴血而呼至死不絕大將義之酬以馬種祝曰好男子他日再生當令我得之時年四十一詔贈鎮南軍節度使塑象寢忠廟見忠義傳

○趙重福字履祥豐州人通大小字試補浩院令史轉兵部譯史歷滄州鹽副史歲饑民煮溲賣以給食重福曰寧使課殿不忍殺人悉聽之歲滿當降右丞簿罰除織染署令後遷河東北路轉運使致仕卒於家○孟興雲內州人明昌三年四月戊午詔賜雲內孝子孟興絹十匹粟二十石

元孟攀麟字駕之雲內人祖鶴父澤民皆金進士攀麟幼日誦萬言能綴文時號奇童金正大六年進士仕至朝散大夫招討使歲

祖中統三年授翰林院待制同修國史至元初詔見條陳七十事
大抵勸上以郊祀天地祠太庙制禮樂建學校行科舉擇守令以
字民儲米粟以贍軍省無名之費罷不急之役百司庶府統於六
部紀綱制度悉由中書是為長久之計世祖悉嘉納之後諭王伯
一許平仲優劣曰伯一文章之士可置翰苑平仲明經傳道可為
後世學於武帝深以為然又常召同宗廟祭祀議制悉據經典以
對詔令會太常議定禮儀因夜畫郊祀及宗廟圖以進帝皆親覽
焉後以病乞歸卒年六十四諡文定○謝睦歡豐州人以質雄鄉
里大兵南下轉客瓦剌城太祖攻西夏過其城睦歡與其帥迎降
從攻西京睦歡先登連中三矢仆城下太祖見而憐之命軍校拔
其矢縛牛剗其傷裸而納諸牛腹中良久乃甦擔以死報每遇敵
必身先之官至太原路金銀鐵冶達魯花赤子仲溫豐頤廣穎聲

音洪亮畧涉書史見世祖於野狐嶺命備宿衛凡所行幸必在左
右城上都以仲溫為工部提領董其役後大軍國郢令督將守江
時軍士乏食仲溫教之罾魚人賴以飽帝喜謂侍臣曰朕忍不及
此飲以駝乳一夕帝聞敵軍譟噪命警備仲溫奉繩床帝憑其肩
以行至旦不能寐中統元年擢平陽太原西路宣撫使二年改西
京至元九年遷順德路總管時方用兵江淮有寡婦鬻子以償轉
輸之值仲溫出俸金贖還之十六年為湖南宣慰使二十二年
改淮東歲旱仲溫導白水塘溉民田公私賴焉三十年春入見帝
從容與語攻郢時事曰汝將復官乎朕當為卿擇之對曰臣老矣
無能為也大德六年卒年八十○程思廉其洛陽人元魏時以豪
右徙居雲中遂家東勝州為東勝州人父恒國初佩金符為沿邊
監榷規運使解州鹽使思廉以太保劉秉忠荐給事裕宗藩邸以

謹愿命為樞密院監印平章政事哈丹行省河南署為都事丞相史天澤尤器之時方規取褒獎使任轉餉築城置倉以受粟至元十二年調同知淇州徙東平路判官入為監察御史以劾權臣阿合馬擊獄其党巧為機宥思廉居之泰然卒不為害累遷河南河北道按察副使道過彰德聞兩河歲饑而徵租益急欲止之有司謂法當上請思廉曰若然則民不堪命矣即移文罷徵後果得請二十六年立雲南行御史台思廉時丁母憂起復為御史中丞始至蠻夷苗首皆來賀詞若遜而意甚倨思廉奉宣上意綏懷遠人且明示禍福使毋自外聞者攝服雲南舊有學校而禮教不興思廉力振起之始有從學問禮者成宗即位除河東山西廉訪使累任鳳憲剛正嫉惡言事剴切如早建儲武訪求賢俊辨車服議封諡養軍力定律令皆急務也思廉好荐達人物或以為好名思廉曰

若避好名之譏則人不取為善矣卒年六十二諡敬肅○李巖云

川人初業儒薄於仕進博覽經史旁通書算之學初為和寧路學

正以道不合棄歸日以著述為事嘗採衆說釋朱子集註名曰經

筵講稿凡四十九卷具表上進終身不仕杜唐卿云川人德學

高古曾為浙江省參政吳明志云川人累官國子監助教文學重

於一時嘗獻定邊萬言衆策行於世以上三人通志輯要俱在大

鄉賢祠祀文行俱有其名云川為云內州屬邑明正統中棄殺虎

口以此地始併云川入左衛元時云川仍在口外非今左云縣也

明孫鏜字振遠東勝州人景帝初官右都督充總兵官與虜戰勝

虜益兵圍鏜力戰不退援兵至圍乃解後以奪門功封懷寧伯

于世卷卒贈涿國公諡武敏

崞縣張 曾小袁初輯

人部

使臣

漢蘇武字子卿杜陵人父建以功封右將軍平陵侯武少以父任
為郎天漢元年且鞮侯單于初立盡歸漢使路充國等留匈奴者
漢遣武以中郎將使持漢節送匈奴使留漢者厚賂單于答其善
意單于益驕方欲發使送武等會長水胡人窆常謀殺漢降人衛
律劫單于母閼氏歸漢事洩語連副使張勝及武匈奴置武燭火
上氣絕半日復息因斬虞常欲脅降武勝遂降武不為屈復幽
武置大窖中絕飲食天雨雪武卧嚙雪與旃毛食之數日不死乃
徙武北海無人處使牧羶羶乳乃得歸武仗漢節牧羊卧起

操持節旄盡落及李陵敗降匈奴單于使陵至海上為武置酒設

樂與飲數日反覆問說武終不聽曰自今已死久矣必欲降武請

畢今日之歡效死君前陵見武至誠喟然嘆曰嗟乎義士陵與衛

律之罪上通於天矣因泣下霑襟與武決去後聞武帝崩武南嚮

號哭數月昭帝即位匈奴與漢和親乃歸武武留匈奴凡十九年

始元六年春還京師始以強壯出及歸鬚髮盡白拜典屬國宣帝

朝衛將軍張安世荐武明習故事奉使不辱命若節老臣賜爵四

內侯令朝朔望號稱祭酒甚優寵之年八十余神爵二年卒後車

于來朝上思股肱之美與大將軍博望侯等十一人圖畫於麒麟

閣子元坐與上官安謀論死武前發匈奴時胡婦適產一子名通

國有聲聞來武因平恩侯自白因使者致金帛贖之上許焉後通

國隨使者至上以為郎

西故實雁門外有蘇武廟當其嚮雪
各壇之日子卿歎之待斂天衣其忠貞道

北狸與之作伴曰則免食哺之賴以不死武感其義因與為偶李陵書所謂元之無恙即狸所生並無胡婦生子事後還中國生妻去惟武帝求其後人不可得乃遣使入胡迎嗣子歸朝蔭之以官此事傳聞不經之甚姑附識之未可遽信也

常憲太原

人少家貧自奮應募隨蘇武使匈奴見拘留十余年與武同患難昭帝立漢求武等歸匈奴詭言武死後復使至匈奴憲請其守者與俱得衣見漢使具自陳道教使者謂單于言天子射上林中得雁帛書言武等在某澤中單于視左右驚謝漢使曰武等實在武乃得與憲九人歸漢嘉其勤勞拜光祿大夫

鄭衆字仲師

南封人年十二

從父與受左氏春秋精力於學永平八年以明經給事中持節使匈奴衆至北庭虜欲令拜衆不為屈意氣壯勇雖蘇武不能過單于怒圍守閉之不與水火以脅服衆衆拔刀自誓單于恐而止乃更發使隨衆還京師後受詔作春秋十九篇卒于官

唐**溫彥博**字大臨并州祁人父君猷兄大雅名字俱以文行知名

開皇末對策高第授文林郎直內史省突厥入寇以并州道行軍
長史戰敗被執突厥知彥博近臣數向唐兵多少及國虛實博不
肯對因陰山苦寒地高祖立突厥歸款乃得還遷中書令封雲國
公突厥降詔議所以安邊者博請如漢置降匈奴五原塞以為藩
蔽帝從之卒謚曰恭陪葬昭陵 **呂溫**字和叔渭子貞元末擢進

士第遷左拾遺使吐蕃被留於元和元年歸久在絕域藻翰精富

一時流輩咸推崇焉

溫寔公戰敗
載卒還中國

被執

與使臣奉異惟因陰山
置之蘇屬國諸人後無愧色耳

明唐公靖字君平宣城人萬歷乙酉舉於鄉年五十始舉進士除

太原府推官省會蔽剝奸利盤互案治決遣奮髯担瓦豪右莫不
懾服儉答妻三娘子款塞公靖捧檄往諭宣布朝廷威德反覆數千
言聲如殷雷大霧羅拜幕下呼為天人公靖謂虜雖強餌不可饜
我銜弱條不可弛宜有以伐謀伐交不當朝夕喘夕竭天下以奉

西北上備禦三策慨然有試屬國係單于之志邊吏忌其能中考
功法罷歸僑居白門結廬雨花台下杜門縱酒酣將鬚嘆息曰此
于思者如故髮則種々矣忍效碌々者蘇而復上哉年六十卒
寔山錢氏為銘其墓

國朝

張鵬翮字運青四川遂寧人康熙二十七年以兵部督捕理事官
與內大臣索額圖兵科給事中陳世安同奉使俄羅斯路經歸化城
游覽數日所作奉使日記於此間風土最詳有振興文教之志出
塞遇喀爾喀遣使求救即具檄曉諭事見魏氏記在駐蹕內歷官
至大學士

歸綏識畧卷十九

崞縣張 曾小袁初輯

人部

寓容

漢蔡邕字伯喈陳留圉人光和元年七月以灾異問群臣邕條陳
七事又特詔問灾變所由邕因言乳母趙婕永樂門吏霍玉程大
人等奸邪宜退太尉張顥等進郭熙橋元劉寵等帝覽而嘆息其
章為書節竊視事遂漏洩中常侍程璜使人飛章誣邕請託司徒
劉劭誣害大臣詔與家屬髡鉗徙朔方居五原安陽縣明年大赦
乃宥還本郡邕自從及歸凡九月將就還路中常侍王甫第五原
太守智餞之酒酣智起舞屬邕曰不為報智素貴驕恣於賓客詬
邕曰徒取輕我邕拂衣而去智銜之密以邕誘朝廷告邕慮卒不

危乃亡命江海不求仕進後董卓聞其名辟之不就卓怒曰我力能族人豈不得已乃歸拜左中郎將及卓被誅邕為王允所収下廷尉死獄中

北魏高謚仕為侍御史坐法徙居懷朔鎮生子樹住居白道南數有赤光紫氣之異隣人以為怪勸徙居避之樹曰安知非吉居之自若謚即高歡之祖樹歡父也

唐李益字居虞與韓翃齊名每作一詩教坊輒求取為供奉歌詞少多猜忌防閑妻妾有散在高戶之事時謂妬癡登進士第久不調而流輩多在顯位益不得意北游河朔有登長城及飲馬泉夜上受降城等作幽州劉濟避為從事宪宗聞其名自河北召還用為學士自負材地多所陵忽為象不容諫臣舉其在幽州詩有不上望京樓句因降居散秩俄復用太和初以禮部尚書致仕後有趙

合太和初進士邀丘原夜卧沙磧聞沙中有女子悲吟起問之自
陳姓李家奉天城南小李村往省姊道遭党寇擣殺於此今已三
年尚能歸骨必有以報合如言收骨携至奉天訪得小李村葬之
明日見此女來謝曰吾大父有演參同契續混元經子能窮之龍
虎之丹不日成矣合受之究其詳微得度世見全唐詩序杜牧字
牧之邀邊詩曰日暮拂雲堆下過許棠字文化有丘原書事詩張
蠟字象文有登單于台詩儲嗣宗有過丘原詩俱以詩人曾寓邊
城者

金麻革字信之臨晉人祖秉彝皇統九年進士官兵部主事革生
中條王官五老之下長侍其先人西觀太華東游至洛遂避地家
焉北渡後嘗自雁門踰代嶺之北苗滯居延己亥夏赴試武川及秋

生

元劉秉忠少為僧世祖自藩邸一見留侍左右即見親幸密謀大計莫不與焉受命後以天下為己任知無不為其於陰陽術數之學占事知來若合符契卒謚文貞有過豐州及雲內道中詩蓋未遇時遊此李德輝字仲實通州潞人少嗜學苦貧無資年十六乃監酒豐州祿食有餘輒市筆札錄書夜誦已謝去講學以卒其業及世祖在潛藩劉秉忠荐之與竇默同辟使侍裕宗講讀中統元年為燕京防禦使以忤王文統罷復起為山西宣慰使至元元年改太原總管多善政入為右三部尚書相皇子安西王十二年詔以王相撫蜀十四年為西川行樞密院副使復瀘州拔重慶下銘興南夔施思播等州有功於合州民家繪祀之年六十三卒瘞夷吏民哭聲震山谷播州民亦為立祠

國朝

徐蘭字芬若一字芝仙江南常熟人出漁洋先生之門能詩工繪
事從安郡王出塞見祁連山中花十數種皆艷絕不知名中土所
未有也常畫便面貽漁洋并出塞詩數十篇足備塞外風物考證
自言所過古廢城凡六曰單于曰蘇武曰雲內曰豐州曰殺虎曰
土城所見土產凡五曰白草曰雛鷹曰麀鼠曰瑪瑙石曰酪酒且
言曾見李文煥脩路碑漁洋池北偶談及之於此間掌故必多考
核惜未見其著述耳有雨阻黑河及歸化城雜詠長洲沈氏選入
別裁集中

段應元字春溥汾陽人乾隆中以舉人官陽城教諭嘗寓托克托
城值歲饑有貧氓李材將鬻其養媳為人妾應元出橐中裝遺之
俾得完聚事見汾陽縣志志稱其生平義舉甚多此特其一端爾

劉天元代州陽明堡人種地於歸化城西祝樂慶村耕九余三業
漸豐裕少苦貧家既富極知貧者之苦凡有周恤無吝心無德色
村氓賴以舉火者遠近數十百家每春出冬歸歲以為常嘉慶中
歲饑天元冬暮旋里先期按貧乏者昇之粟將行村人走送數百
外揮涕泣詢其故曰恐翁明歲出函我輩已填溝壑矣天元亟反
寓盡出其倉庾所儲計算戶口以斗斛分給其稍有力不忍受賑者
亦減價平糶約於來歲取償經理數日仍行比至家則爆竹聲聞
而屠蘇之資猶未備也草草度歲仍策蹇來城躬來耜課作息數
年積資累萬市廛之設充溢街衢而好施益甚年八十卒子孫
至今稱富有祝樂慶左右居民談者尤津津不置每自謂祖父當
日曾食劉氏粟云

錢良擇字玉友江南常熟人隨朝貴使絕域著出塞紀畧一書自

言在歸化城刺麻廟中見一僧類有道者邵陽魏氏記錄之見呼
圖克圖門

張淑元字耐堂大同人以明經主講議學二十年從游者多所造
就子敬載孫濂三世為義師

